



初唐第三十

唐詩紀三十

鄆郡吳瑄彙編

江都陸弼同校

沈佺期

五言律詩

立春日內出剪綵花應制

見文苑英華

合殿春應早開箱綵預知花迎宸翰發葉待御筵  
披梅訝香全少桃驚色頓移輕生承剪拂長伴萬  
年枝

詩紀

初唐卷之三十一



晦日澹水應制

素澹接宸居青門盛袂除摘蘭喧鳳野浮棗溢龍  
渠苑蝶飛殊嬾宮鶯囀不踈星移天上入歌舞向  
儲胥

奉和洛陽翫雪應制

周王甲子旦漢后德陽宮灑瑞天庭裏驚春御苑  
中氛氲生浩氣颺香舞迴風宸藻光盈尺賡歌樂  
歲豐

三日梨園侍宴

九重馳道出三巳禊堂開畫鷁中流一作動青龍  
上苑來野花飄御座國秀作席河柳拂天杯日晚迎祥  
處笙鏞下帝臺

幸梨園亭觀打球應制

今春芳苑遊接武上瓊樓宛轉縈香騎飄颻拂畫  
毬俯身迎未落迴轡逐傍流祗為看花鳥時時誤  
失籌

九日臨渭亭侍宴應制得長字

御氣幸金方憑高薦羽觴魏文頒菊藥漢武賜萸



言糸  
初唐卷之三十一  
囊房一作秋變銅池色晴添銀樹光

一作去鶴留笙吹歸鴻識舞行

年年一作重九慶日月奉天長

臣歡

### 歲夜安樂公主滿月侍宴

除夜子星迴天孫滿月杯詠歌麟趾合簫管鳳雛  
來歲炬常然桂春盤預折梅聖皇千萬壽垂曉御  
明臺

### 安樂公主移入新宅

初聞衡漢來移住斗城隈錦帳迎風轉瓊筵拂霧  
開馬香遺舊埽鳳吹繞新臺為問沈冥子仙槎何

處回

### 仙萼亭初成侍宴應制

山中氣色和宸賞第中過輦路披仙掌帷宮拂帝  
蘿泉臨香澗落峰入翠雲多無異登玄圃東南望  
白河

### 送金城公主適西蕃應制

金牘扶丹掖銀河屬紫閣那堪將鳳女還以嫁烏  
孫玉就歌中怨珠辭掌上恩西戎非我匹明主至  
公存

詩已

初唐卷之三十一



幸白鹿觀應制

紫鳳真人府斑龍太上家天流芝蓋下山轉桂旗

一作斜聖藻垂寒露仙杯落晚霞唯應問王母桃

作幾時花

洛陽道

九門開洛邑雙闕對河橋白日青春道軒裳半下

朝乘羊稚子看拾翠美人嬌行樂歸怕晚香塵撲

地遙

驄馬

西北五花驄來時道向東四蹄碧玉片雙眼黃金

瞳鞍上畱明月嘶間動朔風借君馳沛艾一戰取

雲中

銅雀臺

宋之問集中亦載此作

昔年分鼎地今日望陵臺一旦雄圖盡千秋遺令

開綺羅君不見歌舞妾空來恩共漳河水東流無

重回

長門怨

月皎風泠泠長門次掖庭玉階聞隊葉羅幌見飛



言紀 卷之三十一  
螢清露凝珠綴流塵下翠屏妾心君未察愁歎劇  
繁星

巫山高一首

巫山峰十二合沓隱昭回俯眺琵琶峽平看雲雨  
臺古槎天外倚瀑水日邊來何忍猿啼夜荆王枕  
席開

神女向高唐巫山下夕陽裴徊作行雨婉孌逐荆  
王電影江前落雷聲峽外長霽雲無處所臺館曉  
蒼蒼

隴頭水

隴山飛落葉隴鴈度寒天愁見三秋水分爲兩地  
泉西流入羌郡東下向秦川征客重回首肝腸空  
自憐

關山月

漢月生遼海曛曛出半暉合昏玄菟郡中夜白登  
圍暈落關山迴光含霜霰微將軍聽曉角戰馬欲  
南歸

折楊柳



言終  
初唐卷之三十一  
五  
玉牕朝日映羅帳春風吹拭淚攀楊柳長條踈地  
垂白花飛歷亂黃鳥度一作思參差妾自肝腸斷傷  
人那得知

梅花落

鐵騎幾時迴金閨怨早梅雪寒一作中花已落風煖  
葉應開夕逐新春管香迎小歲杯盛時何足貴書  
裏報輪臺

紫驕馬

青玉紫驕鞍驕多影屢盤荷君能剪拂蹀躞噴桑

乾踈足追奔易長鳴遇賞難撻金一萬里霜露不  
辭寒

上之回

制書下關右天子問回中壇墠經過遠威儀侍從  
雄黃麾搖晝日青幘曳松風迴望甘泉道龍山隱  
漢宮

王昭君

非君惜鸞殿非妾妬蛾眉薄命由驕虜無情是畫  
師嫁來胡地日不並漢宮時辛苦無聊賴何堪馬



上辭

被試出塞

十年通大漠萬里出長平寒日生戈劔陰雲拂旆  
旌饑鳥啼舊壘疲馬戀空城辛苦臯蘭北胡塵損  
漢兵

雜詩四首

鐵

一作汗

馬三軍去金閨

一作流鶯

二月還邊愁離

一作行

上國春夢失

一作度

陽關池水瑠璃淨園花玳瑁斑

歲華空自擲愁怨

一作憂思

不勝顏

落葉驚秋婦高砧促暝機蜘蛛尋月度螢火傷人  
飛清鏡紅埃入孤燈綠焰微怨啼能至曉獨自嬾  
縫衣

妾家臨渭北春夢著遼西何苦朝鮮那年年事鼓  
聲燕來紅壁語鶯向綠牕啼為許長相憶闌干玉  
筋齊

聞道黃龍戍頻年不解兵可憐閨裏月長在漢家  
營少婦今春意良人昨夜情誰能將旗鼓一為取  
龍城

詩紀

初唐卷之三十一

七一



剪綵

宮女憐芳樹栽花競早榮寒依刀尺盡春向綺羅  
生弱帶盤絲發香筵結素成織枝幸不棄長就玉  
階傾

和中書侍郎楊再思春夜宿直

西禁青春滿南端皓月微千廬宵駕合五夜曉鐘  
稀星斗橫綸閣天河度瑣闈煙花章奏裏紛向夕  
郎飛

和常州崔使君寒食夜

聞道清明近春闈向夕闌行遊晝不厭風物夜宜  
看斗柄更初轉梅香暗裏殘無勞秉華燭晴月在  
南端

和崔正諫登秋日早朝

雞鳴朝謁滿露白禁門秋爽氣臨旌戟朝光映冕  
旒河宗來獻寶天子命焚裘獨負池陽議言從建  
禮遊

答甯處州書

書報天中救人從海上聞九泉開白日六翮起青



言終  
卷之三十一  
雲質幸恩先貸情孤枉未分自憐涇渭別誰與奏  
明君

李舍人山園送龐邵

符傳有光輝誼誼出帝畿東鄰借山水南陌駐驂  
騑握手涼風至當歌秋日微高蟾去勿緩人吏待  
霜威

送陸侍御餘慶北使

古人貴將命之子出輜軒受委當不辱隨時敢贈  
言朔途際遼海春思繞轅轅安得回白日留歡盡

綠樽

洛州蕭司兵謁兄還赴洛成禮

棠棣日光輝高襟應序歸來成鴻鴈聚去作鳳凰  
飛細草承輕傳驚花慘別衣灞亭春有酒岐路惜  
芬菲

餞高唐州詢

弱冠相知早中年不見多生涯在王事容鬢各蹉  
跎良守初分岳嘉聲卽潤河還從漢闕下傾耳聽  
中和



餞唐郎中洛陽令

一臺推往妙三史佇來修應宰鳧還集辭郎雉少  
留郊筵乘落景亭傳理殘秋願以絃歌暇芝蘭想  
舊遊

樂城白鶴寺

碧海開龍藏青雲起鴈堂潮聲迎法鼓雨氣濕天  
香樹接前山暗谿承瀑水涼無言誦居遠清淨得  
空王

遊少林寺

長歌遊寶地徙倚對珠林鴈塔風霜一作丹青古龍池  
歲月深紺園澄夕霽碧殿下秋陰歸路煙霞晚山  
蟬處處吟

嶽館

洞壑仙人館孤峰玉女臺空濛朝氣合窈窕夕陽  
開流澗含輕雨虛巖應薄雷正逢鸞與鶴歌舞出  
天來

早發平昌島

解纜春風後鳴榔曉漲前陽鳥出海樹雲鴈下江



言  
煙積氣衝長島浮光溢大川不能懷魏闕心賞獨  
泠然

夜宿七盤嶺

獨遊千里外高卧七盤西山一作曉月臨牀一作近

天河入戶低芳春平仲綠清夜子規啼浮客空留  
聽襄城聞曙雞

十三四時嘗從巫峽過他日偶然有思

小度巫山峽荆南春欲分使君灘上草神女廟前  
雲樹悉江中見猿多天外聞別來如夢裏一想一

氛氲

初達驩州

自昔聞銅柱行來向一年不知林邑地猶隔道明  
天雨露何時及京華若箇邊思君無限淚堪作日  
南泉

驩州風土不作寒食

嶺外無寒食春來不見錫洛中一作陽新甲子何日

是清明花柳爭朝發軒車滿路迎帝鄉遙可念腸  
斷報親情



驩州南亭夜望

昨夜南亭望分明夢洛中  
室家誰道別兒女案嘗  
同忽覺猶言是沈思始  
悟空肝腸餘幾寸拭淚坐  
春風

少遊荆湘因有是題

峴北焚蛟浦巴東射雉田  
歲時宜楚俗耆舊在襄  
川憶昨經過處離今二十  
年因君訪生死相識幾  
人全

咸陽覽古

咸陽秦帝居千載坐盈虛  
版築林光盡壇場雷聽  
踈野橋疑望日山火類焚  
書唯有驪峰在空聞厚  
葬餘

覽鏡

霏霏日搖蕙騷騷風灑蓮  
時芳固相奪俗態豈恒  
堅恍忽夜川裏蹉跎朝鏡  
前紅顏與壯志太息此  
流年

題椰子樹

日南椰子樹香裊出風塵  
叢生調木首圓實檳榔



身玉房九霄露碧葉四時春不及塗林果移根隨  
漢臣

同獄者歎獄中無燕

何許乘春燕多知辨夏臺三時欲併盡雙影未嘗  
來食藥嫌叢棘銜泥怯死灰不如黃雀語能雪冶  
長猜

則天門赦改年

聖人宥天下幽鑰動園徃六甲迎黃氣三元降紫  
泥籠僮上西鼓振迅廣陽雞歌舞將金帛汪洋被

遠黎

喜赦

去歲投荒客今春肆眚歸律通幽谷煖盆舉太陽  
輝喜氣迎冤氣青衣報白衣還將合浦葉俱向洛  
城飛

天官崔侍郎夫人盧氏挽歌

借老言何謬香魂事永違潘魚從此隔陳鳳宛然  
飛埋鏡泉中暗藏鐙地下微猶憑少君術彷彿覩  
容輝

詩記

初唐卷之三

三



章懷太子靖妃挽詞

形史佳聲載青宮懿範留形將鸞鏡隱魂伴鳳笙  
遊送馬嘶殘日新螢落晚秋不知蒿里曙空見隴  
雲愁

七言律詩

奉和立春遊苑迎春

東郊暫轉迎春仗上苑初飛行慶杯風射蛟

初學記作

孤冰千片斷氣衝魚鑰九關開林中覓草纔生蕙

殿裏爭花併是梅歌吹銜恩歸路晚棲鳥半下鳳

城來

人日重宴大明宮賜綵縷人勝應制

拂旦雞鳴仙衛陳憑高龍首帝城

一作春千官黼

帳杯前壽百福香奩勝裏人山鳥初來猶怯嚙林

花未發已偷新天文正應韶光轉設報懸知用此

辰

奉和春初幸太平公主南莊應制

主家山第早春歸御輦春遊繞翠微買地鋪金曾

作埽尋河取石舊支機雲間樹色千花滿竹裏泉



聲百道飛自有神仙鳴鳳曲併將歌舞報恩暉

奉和春日幸望春宮應制

芳郊綠野散春晴復道離宮煙霧生楊柳千條花  
欲綻蒲萄百丈蔓初繁林香酒氣元相入鳥轉歌  
聲各自成定是風光牽宿醉來晨復得幸昆明

侍宴安樂公主新宅應制

皇家貴主好學一作神仙別業初開雲漢邊山出盡  
如鳴鳳嶺池成不讓飲龍川妝樓翠幌教春住舞  
閣金鋪借日懸敬從乘輿來此地稱觴獻壽樂鈞

天

龍池篇

龍池躍龍龍已飛龍德先天天不違池開天漢分  
黃道龍向天門入紫微邸第樓臺多氣色君王鳧  
鴈有光輝為報寰中百川水來朝此地莫東歸

興慶池侍宴應制

碧水澄潭映遠空紫雲香駕御微風漢家城闕疑  
天上秦地山川似鏡中向浦迴舟萍已綠分林蔽  
殿槿初紅古來徒羨橫汾賞今日宸遊聖藻雄



詩紀  
初唐卷之三十  
從幸香山寺應制

南山奕奕通丹禁北闕峨峨連翠雲  
嶺上樓臺千地起城中鐘鼓四天聞  
旃檀曉閣金輿度鸚鵡晴林采  
眊分願以醍醐參聖酒還將祇苑當秋汾

紅樓院應制

紅樓疑見白毫光寺逼宸居福盛唐  
支遁愛山情謾切曇摩泛海路空長  
經聲夜息聞天語鑪氣晨飄接御香  
誰謂此中難可到自憐深院得徊翔  
再入道場紀事應制

南方歸去再生天內殿今年異昔年  
見闢乾坤新定位看題日月更高懸  
行隨香輦登仙路坐近鑪煙講法筵  
自喜恩深陪侍從兩朝長在聖人前

嵩山石淙侍宴應制

金輿旦下綠雲衢綵殿晴臨碧澗隅  
谿水泠泠逐行漏山煙片片引香鑪  
仙人六膳調神鼎玉女三漿捧帝壺  
自惜汾陽紆道駕無如太室覽真圖

古意呈補闕喬知之

盧家少婦鬱金堂

一作香

海燕雙棲玳瑁梁九月寒



砧催木葉十年征戍憶遼陽白狼河北音一作書

斷丹鳳城南秋夜長誰為含愁獨不見一作更教

明月照流黃一作使妾明

遙同杜真外審言過嶺

天長地闊嶺頭分去國離一作家見白雲洛浦風

光何所似一作肝腸崇山瘴癘不堪聞南浮漲海

人一作何處北望衡陽鴈幾羣兩地江山一作萬

餘里何時重謁聖明君

和上巳連寒食有懷京洛

天津御柳碧遙遙軒騎相從半下朝行樂光輝寒  
食借太平歌舞晚春饒紅妝樓下東迴輦青草洲  
邊南渡橋坐見司空掃西第看君侍從落花朝



初唐第三十  
 初唐第三十一  
 初唐第三十二  
 初唐第三十三  
 初唐第三十四  
 初唐第三十五  
 初唐第三十六  
 初唐第三十七  
 初唐第三十八  
 初唐第三十九  
 初唐第四十

初唐第三十一 唐詩紀三十一

鄆郡吳瑄彙編

江都陸弼同校

沈佺期

五言排律

扈從出長安應制

漢宅規模壯周都景命隆西賓讓東主法駕幸天  
 中太史占星應春官奏日同旌門起長樂帳殿出  
 新豐翕習黃山下紆徐清渭東金麾張畫月珠幘



戴相

近本作松非

風是節嚴陰始寒郊散野蓬薄霜沾

上路殘雪繞離宮賜帛矜耆老褰旒問小童復除

恩載洽望秩禮新崇臣忝承明召多慙獻賦雄

初冬從幸漢故青門應制

漢王建都邑渭水對青門朝市俱東逝墳陵共北  
原荒涼蕭相闕蕪沒邵平園全盛今何在英雄難  
重論故基仍嶽立遺堞尚雲屯當極土功壯安知  
人力煩天遊戒東首懷昔駐龍軒何必金湯固無  
如道德藩微臣諒多幸參乘偶殊恩預此陳古事

敢奏興亡言

奉和幸韋嗣立山莊侍宴應制

紀事英華作徐彦伯

鼎臣休澣隙方外結遐

遙一作心

別業青霞境孤潭

碧樹林每遷東墅策遙弄北谿琴帝眷

一作幸

行時

豫台園賞歲陰移鑿明月沼張樂

一作組

白雲岑御

席

一作酒

瑤觥

一作觴

落仙壇竹徑深三光

一作章

懸聖

藻五等冠朝簪自愧承恩盛咸言獨在今

昆明池侍宴應制



言系  
武帝伐昆明穿池習五兵水同河漢在館有豫章  
名我后光天德垂衣文教成黷兵非帝念勞物豈  
皇情春伏過鯨沼雲旗出鳳城靈魚銜寶躍仙女  
廢機迎柳拂旌門暗蘭依帳殿生還如流水曲日  
晚棹歌聲一作清  
白蓮花亭侍宴應制  
九日陪天仗三秋幸禁林霜威變綠樹雲氣落青  
岑水殿黃花合山亭絳葉深朱旗夾小徑寶馬駐  
清潯苑吏收寒果饗人膳野禽承歡不覺暝遙響

素秋砧

仙萼池亭侍宴應制

步輦尋丹嶂行宮在翠微川長看鳥滅谷轉聽猿  
稀天磴扶階迥雲泉透戶飛閑花開石竹幽葉吐  
薔薇徑狹難畱騎亭寒欲進衣白龜來獻壽仙吹  
返彤闈

奉和晦日駕幸昆明池應制

法駕乘春轉神池象漢迴雙星移一作遺舊石孤月  
隱殘灰戰鷁逢時去恩魚望幸來岸一作山花緹騎



言系  
不居卷之三十一  
三  
遶堤柳慢城開思逸橫汾唱歡流宴鎬杯微臣彫  
朽質羞覩豫章材

奉和聖制幸禮部尚書竇希玠宅

北闕垂旒暇南宮聽禮履一作廻天臨翔鳳轉恩向

躍龍開蘭氣承薰一作仙帳榴花引御杯水日一作從

金穴吐雲是玉衣來池影搖歌席林香散舞臺不

知行漏晚清蹕尚徘徊

釣竿篇

朝日歛紅煙垂竿向綠川人疑天上坐魚似鏡中

懸避檝時驚透猜釣每誤牽湍危不理轄潭靜欲  
留船釣玉君徒尚徵金我未賢爲看芳餌下貪得  
會無筌

和戶部岑尚書參迹樞揆

大君制六合良佐參萬機大業永開泰臣道日光  
輝鹽梅和鼎食家聲衆所歸漢章題楚劍鄭武襲  
緇衣理識當朝遠文華振古稀風雲神契合舟楫  
道心微廟堂喜容與時物遍芳菲御柳垂仙掖公  
槐覆禮闈昔陪鷓鷯後今望鷓鷯飛徒御清風頌



巴歌聊自揮

同李舍人冬日集安樂公主山池

常聞天女貴家即帝宮連亭插宜春果山衝太液  
泉橋低烏鵲夜臺起鳳凰年故事猶如此新圖更  
可憐紫巖妝閣透青嶂妓樓懸峯奪香鑪巧池偷  
明鏡圓梅花寒待雪桂葉晚留煙興盡方投轄金  
聲還復傳

酬蘇員外味道夏晚寓直省中見贈

並命登仙閣分曹一作宵直禮闈大官供宿膳侍史

護朝衣卷幔天河入開牕月露微小池殘暑退高

樹早一作晚涼歸冠劍無時釋軒車待漏飛明朝題

漢柱三署有光輝

和韋舍人早朝

閶闔連雲起巖廊拂霧開玉珂龍影度珠履鴈行

來長樂宵鐘盡明光曉奏催一作推經一作傳舊德五

字擢英才儼若神仙去紛從霄漢迴千春奉休曆

分禁喜趨陪

自考功員外授給事中



南省推丹地東曹拜瑣闈惠移雙管筆恩降五時  
衣出入宜真選遭逢每濫飛器慙公理拙才謝子  
雲微案牘遺常禮朋僚隔等威上台行揖讓中禁  
動光輝旭日千門起初春八舍歸贈蘭聞宿昔談  
樹隱芳菲何幸鹽梅處惟憂對問機省躬知任重  
寧止冒榮非

移禁司刑

疇昔參鄉賦中年忝吏途丹唇曾學史白首不成  
儒天子開昌籙羣生偶大爐散材仍葺夏弱羽遽

搏扶寵邁乘軒鶴榮過食稻鳧何功遊畫省何德  
理黃樞弔影慙非據傾心事遠圖盜泉寧止渴惡  
木匪投軀任直翻多毀安身遂少徒一朝逢紕謬  
三省竟無虞白簡初心屈黃紗始望孤患平終不  
怒持劾每相驅埋劍誰當辨偷金以自誣誘言雖  
委荅流議亦真符首夏方憂園高秋獨向隅嚴城  
看熠燿圓戶對蜘蛛累餉唯妻子披冤是友于物  
情牽倚伏人事限榮枯門客心誰在鄰交迹儻無  
撫襟雙涕落危坐日憂趨聖旨垂明德冤囚豈濫



言終  
誅會希恩免理終望罪矜愚司寇宜哀獄台庭幸  
恤辜漢皇虛詔上容有報恩珠

和元舍人萬頃臨池翫月戲爲新體

春風搖碧樹秋霧卷丹臺復有相宜夕池清月正  
開玉流含吹動金魄度雲來熠燿光如沸翩翹景  
若摧半環投積草碎壁聚流杯夜久平無煥天晴  
皎未遺鏡將池作匣珠以岸爲胎有美司言暇高  
興獨悠哉揮翰初難擬飛名豈易陪夜光殊在握  
了了見沈灰

酬楊給事廉見贈省中

子雲推辨博公禮擅詞雄始自尚書省旋聞給事  
中言從温室祕籍向瑣闥通顧我叨郎署慙無草  
奏工分曹八舍斷解袂五時空宿昔陪餘論平生  
賴擊蒙神仙應東掖雲霧限南宮忽枉瓊瑤贈長  
歌蘭渚風

九真山淨居寺謁無礙上人

大士生天竺分身化日南人中出煩惱山下卽伽  
藍小澗香爲刹危峯石作龕候禪青鴿乳窺講白



猿參藤愛雲間壁花憐石下潭泉行幽供好林挂  
浴衣堪弟子哀無識醫王惜未談機疑聞不二蒙  
昧卽朝三欲究因緣理聊寬放棄慙超然虎谿夕  
雙樹下虛嵐

夜遊

見搜玉集

今夕重門啓遊春得夜芳月華連晝色燈影雜星  
光南陌青絲騎東鄰紅粉妝管絃遙辨曲羅綺暗  
聞香人擁行歌路車攢鬪舞場經過猶未已鐘鼓  
出長楊

登瀛州南樓寄遠

層城起麗譙憑覽出重霄茲地多形勝中天宛寂  
寥四榮摩鸛鶴百拱厲風飈北際一作盡燕王館東  
連秦帝橋晴光七郡滿春色兩河遙傲睨非吾土  
躊躇適遠囂離居欲有贈春草寄長謠

塞北二首

虜障天驕起秦城地脉分柏壇飛五將梅吹動三  
軍鋒刃奔濤色旌旗焰火文朔風吹汗漫飄礫灑  
輶輻海氣如秋雨邊烽似夏雲二庭無歲月百戰



言系  
禮唐卷之三十一  
八  
有功勲形影隨魚貫音書在鴈羣歸來拜天子凱  
樂助南薰

胡騎犯邊埃風從丑上來五原烽火急六郡羽書  
催水壯飛狐冷霜濃候鴈哀將軍朝授鉞戰士夜  
銜枚紫塞金河裏葱山鐵勒隈蓮花秋劍發桂葉  
曉旗開秘畧三軍動妖氛百戰摧何言投筆去終  
作勒銘回

李員外秦援宅觀妓

盈盈粉署郎五日宴春光選客虛前館徵聲徧後

堂玉釵翠羽飾羅袖鬱金香拂黛隨時廣挑髮出  
意長嘯歌遙合態度舞暗成行巧落梅庭裏斜光  
映曉妝

送韋商州弼

會府應文昌商山鎮國陽聞君監郡史暫罷尚書  
郎王事嗟相失人情貴不忘累年同畫省四海接  
文場點翰芳春色傳杯明月光故交從此去遙憶  
紫芝香

夏日梁王席送張岐州



秦雞常下雍周鳳昔鳴岐此地推雄撫惟良寄在  
斯家傳七豹貴人擅八龍竒高傳生光彩長林歎  
別離天人開祖席朝來候征麾翠帟當郊敞彤幃  
向野被芄芄秋麥盛苒苒夏條垂奏計何時入台  
階望羽儀

夏日都門送司馬員外逸客孫員外佺北

征

時相王為元帥魏大夫元忠為副

二庭追虜騎六月動周師廟畧天人授軍麾相國  
持復言徵二妙才命重當時畫省連征橐橫門共

別詞雲迎出塞馬風卷度河旗計日方夷寇旋聞  
杖杜詩

送盧管記僊客北伐

羽檄西北飛交城日夜圍廟堂盛徵選戎幕生光  
輝鴈行度函谷馬首向金微湛湛山川暮蕭蕭涼  
氣稀餞途予憫默赴敵子英威今日楊朱淚無將  
灑鐵衣

入鬼門關

昔傳瘴江路今到鬼門關土地無人老流移幾客

詩紀

初唐卷之三十一



還自從別京洛頽鬢與衰顏夕宿舍沙裏晨行岡  
路間馬危千仞谷舟險萬重灣問我投何地西南  
盡百蠻

從驩州解移住山間水亭贈蘇使君

遇坎卽乘流西南到火洲鬼門因苦夜瘴浦不宜  
秋歲貸曾穿老朝飛鼻飲頭死生離骨肉榮辱間  
朋遊棄置一身在平生萬事休鷹鷂遭誤逐豺虎  
怯真投憶昨京華子傷今邊地囚願陪鸚鵡樂希  
並鷓鴣留日月渝鄉思煙花換客愁幸逢蘇伯玉

回借水亭幽山柏張青蓋江蕉卷綠油乘閒無火  
宅因放有虛一作漁舟適越心當是居夷迹可求古  
來堯禪舜何必罪驩兜

赦到不得歸題江上石

家住東京裏身投南海西風煙萬里隔朝夕幾行  
啼聖主謳歌洽賢臣法令齊忽聞銅柱使走馬報  
金雞棄市沾皇握投荒漏紫泥冤疲山鶴路心醉  
站鳶谿天鑿誅元惡宸慈恤遠黎五方思寄刃萬  
姓喜然臍自幼輸丹懇何嘗玷白圭承言竄遐魅



雪往間深狴墳壠無由謁京華豈重躋炎方誰謂  
廣地盡覺天低百卉雜殊恠昆蟲理賴睽閉藏元  
不蟄搖落反生萑瘡瘡因茲苦窮愁益復迷火雲  
蒸毒霧陽雨濯陰霓周乘安交趾王恭輯畫題少  
寬窮涸鮒猶愍觸藩抵配宅鄰州解斑苗接野畦  
山空聞鬪象江靜見游犀翰墨思諸季裁縫憶老  
妻小兒應離襦幼女未攀笄夢蝶翻無定著龜詎  
有倪誰能竟此曲曲盡氣酸嘶

答魑魅代書寄家人

魑魅來相問君何失帝鄉龍鍾辭北闕踉蹌守南  
荒覽鏡憐雙鬢沾衣惜萬行抱愁那去國將老更  
垂裳影荅余他歲恩思宦洛陽三春給事省五載  
尚書郎黃閣遊鸞署青縑御史香扈巡行太液陪  
宴坐明光渭北昇高苑河南被禊場煙花恒獻賦  
泉石每稱觴暇日從休澣高車映道旁迎賓就丞  
相選士謁昭王侍寵言猶得承歡謂不忘一朝貽  
厚譴五宅竟同防克豎曾驅策權豪豈易當款顏  
因侍從接武在文章且懼威非贊寧知心是狼身



言系 初唐卷之三十一 三  
猶納履誤情爲覆盆傷可歎緣成業非關行昧藏  
喜逢今改旦正朔復歸唐河讖隨龍馬天書逐鳳  
凰朝容欣舊則宸化美初綱告善雕旌建收寃錦  
旆張宰臣更獻納郡守各明揚禮樂移三統舟車  
會八方雲沙降白遂秦隴獻燒當三赦重天造千  
推極國詳大招思復楚役 限維桑漲海緣真臘  
崇山壓古棠雕題飛棟宇儋耳間衣裳伏枕神餘  
劣加餐力未強空庭遊翡翠窮巷倚桃榔緣體分  
殊昔回眸宛異常吉凶恒委鄭年壽會詢唐家本

傳清白官移重挂牀上京無薄產故里絕窮莊碧  
玉先時費蒼頭此自將興言歎家口何處待羸糧  
計吏從都出傳聞大小康降除沾二弟離拆已三  
房劍外懸銷骨荆南預斷腸音塵黃耳間夢想白  
眉良復此單棲鶴銜雛願遠翔何堪萬里外雲海  
已溟茫戚屬甘胡越聲名任糝糠由來休憤命命  
也信蒼蒼獨坐尋周易清晨詠老莊此中因悟道  
無問入猖狂

度安海入龍編



我來交趾郡南與貫曾連四氣分寒少三光置日  
偏尉佗曾馭國翁仲久遊泉邑屋遺珉在魚鹽舊  
產傳越人遙捧翟漢將下看鳶北斗崇山挂南風  
漲海牽別離頻破月容鬢驟催年昆弟推由命妻  
孥割付緣夢來寬尚擾愁委疾空纏虛道崩城淚  
明心不應天

從崇山向越當

并序

按九真圖崇山至越當四十里杉谷起古崇山  
竹谿從道明國來於崇山北二十五里合水歛

缺藤竹明昧有二十峯夾水直上千餘仞諸仙  
窟宅在焉

朝發崇山下暮坐越當陰西從杉谷度北上竹谿  
深竹谿道明水杉谷古崇岑差池將一作不合繚  
繞復相尋桂葉藏金嶼藤花閉石林天窓虛的的  
雲竇下沈沈造化功偏厚真仙跡每臨豈徒探怪  
異聊欲緩歸心

哭蘇眉州崔司業二公

并序

同時郎裴懷古者作牧潭府神龍二年秋八月



佺期承恩北歸途中觀止訪及故舊知眉州蘇  
 使君味道國子崔司業融馳旋間相次而逝蘇  
 徃任鳳閣侍郎佺期忝通事舍人崔重為鳳閣  
 舍人佺期又遷給事並銜疇昔之眷俱荷提獎  
 之恩前年負譴南荒二公先移官守迨此凶問  
 情理何堪所歎逐竄有期行邁在遠哀不展舊  
 禮不申卑流慟斯文冀通幽路

渙汗天中發伶俜海外旋長沙遇太守問舊幾人  
 全國寶亡雙傑天才喪兩賢大名齊弱歲高德並

中年禮樂羊叔子文章王仲宣

英華作風鑑王夷甫文章謝惠連

相看尚玄鬢相次入黃泉流放蠻陬闊鄉關帝里  
 偏親朋雲霧擁生死歲時傳崔昔揮宸翰蘇嘗濟  
 巨川絳衣陪下列黃閣謬差肩及此俱冥昧云誰  
 叙播遷隼輿懷舊轍鱸館想虛筵家愛方休杵皇  
 慈更撤縣銘旌西蜀路騎吹北邙田隴樹應秋矣  
 江帆故杳然罷琴明月夜畱劍白雲天涕泗湘潭  
 水淒涼衡嶠煙古來脩短分神理竟難筌

哭道士劉無得



詩集 卷之三十一  
聞有玄都客成仙不易祈蓬萊向清淺桃杏欲芳  
菲縮地黃泉出昇天白日飛少微星夜落高掌露  
朝晞吐甲龍應出銜符鳥自飛國人思負局天子  
惜被衣花月留丹洞琴笙下翠微嗟來子桑扈爾  
獨返於幾

五言絕句

寒食

普天皆滅焰匝地盡藏煙不知何處水來就客心  
然

六言絕句

迴波詞

中宗嘗讌侍臣及朝集使酒酣各命爲迴波  
詞佺期長流驩州時自台州錄事參軍拜起  
居郎兼修文直學士而朱紱未  
復因撰詞云云帝以緋魚賜之

迴波爾時佺期流向嶺外生歸身名已蒙齒錄袍  
笏未復牙緋

七言絕句

上巳日被禊一作陪駕渭濱應制

寶馬香車清渭濱紅桃碧柳禊堂春  
皇情尚憶垂



言  
竽佐天祚

一作瑞

先呈捧劍人

奉和幸韋嗣立山莊應制

東山朝日翠屏開  
北闕晴空綵仗來  
喜遇天文七曜動  
少微今夜近三台

夜宴安樂公主宅

濯龍門外王家親  
鳴鳳樓中天上人  
自有金杯迎甲夜  
還將綺席代陽春

苑中遇雪應制

北闕彤雲掩曙霞  
東風吹雪舞山

一作仙

家瓊章定

少千人和銀樹長芳六出花

餞唐永昌

洛陽舊有神明宰  
輦轂由來天地中  
餘邑政成何足貴  
因君取則四方同

獄中聞駕幸長安二首

傳聞聖旨向秦京  
誰念羈囚滯洛城  
扈從由來是方朔  
爲申冤氣在長平

無事今朝來下獄  
誰期十月是

一作見

橫河君看鷹

隼俱堪擊爲報蜘蛛收網羅



邙山

北邙山上列墳塋萬古千秋對洛城城中日夕歌  
鐘起山上唯聞松柏聲

煇中園感事長安二首

初唐第三十一

初唐第三十二

唐詩紀三十二

鄆郡吳瑄彙編

江都陸弼同校

李义

本傳云趙州人舉進士景龍中累遷中書舍人景雲初遷吏部侍郎尋轉黃門侍郎開元初為紫微侍郎俄拜刑部尚書卒又本名尚真少與兄尚一尚真俱以文章見稱後兄弟同為一集號曰李氏花萼集○紀事云與蘇頲對掌綸誥明皇曰前有味道嶠朕今有頲又皆號蘇李

五言古詩

招諭有懷贈同行人



遠遊冒艱阻深入勞存諭春去辭國門秋還在邊  
戍軒車行未返節序催難駐陌上悲轉蓬園中想  
芳樹蜀山自紛糾岷水怕奔注臨泛多苦懷登攀  
寡歡趣永夕飛淫雨崇朝蒸毒霧不求綏嶺桃寧  
美邛鄉蒟白浪行欲靜驄馬何嘗驅唐韻區遇切願接  
輶旆塵聯翩東北驚

故趙王屬贈黃門侍郎上官公挽詞

暮歸泉壤幽一作朝發城池戀漢疇結愁陰秦川  
陵一作下悲霰駸駸百駟馳憫憫羣龍餞石馬徒自

施玉人終不見

淮陽公主挽歌

玉顏生漢渚湯沐榮天女金縷化邛塵哀榮感路  
人鳳凰曾作伴螻蟻忽爲親疇日成蹊處穠華不  
復春

五言律詩

春日侍宴芙蓉園應制

水殿臨丹籞山樓繞翠微昔遊人託乘今幸帝垂  
衣澗篠綠峯合巖花逗浦飛朝來江曲地一作朝迴曲江



地無處不光輝

奉和登驪山高頂寓目應制

崖巘萬尋懸居高敞御筵行戈疑駐日步輦若登天城闕霧中近關河雲外連謬陪登弁一作駕欣

奉濟汾篇

奉和七夕兩儀殿會宴應制

桂宮明月夜蘭殿起秋風雲漢彌年阻星筵此夕同倏來疑有處旋去已成空睿作鈞天響鬼飛在夢中

奉和春日遊苑喜雨應詔又見李嶠集

僊蹕九成臺香筵萬壽杯一旬初降雨二月早聞

雷葉向朝霽一作密花含宿潤開幸承天澤豫一作

遍無使日光催

奉和人日清暉閣宴羣臣遇雪應制

上月登樓賞中天御輦飛後庭聯舞唱前席仰恩輝睿作風雲起農祥雨雪霏幸陪人勝節長願奉垂衣

陪幸臨渭亭遇雪應制



青陽御紫微白雪下彤闈  
泱壤流天霈綿區灑帝  
輝水如銀度燭雲似玉披衣為得因風起還來就  
日飛

奉和九日侍宴應制

得濃字

望幸紆千乘登高自九重  
臺疑臨戲馬殿似接疏  
龍捧篋萸香遍稱觴菊氣濃  
更看仙鶴舞來此慶  
時雍

送沙門弘景道俊元奘還荊州應制

初日承歸旨秋風起贈言漢珠留道味江璧返真

源地出南關遠天迴北斗尊  
寧知一柱觀却啓四  
禪門

和九月九日登慈恩浮圖應制

湧塔開

一作臨

作

玄地高層瞰紫微鳴鑾陪帝出攀椽

翊天飛慶洽重陽壽文含列象輝  
小臣叨載筆無

以

一作欣此

頌巍巍

閏九月九日幸總持寺登浮圖應制

清蹕幸禪樓前驅歷御溝還疑九日豫更想六年  
遊聖藻輝纓絡仙花綴冕旒所欣延億載寧祗慶

詩已

刀喜卷之三十一

四



重秋

侍宴長寧公主東莊應制

紫禁乘宵動青門訪水嬉貴遊鱸序集

初學記作上台鱸序

慶 仙女鳳樓期合宴簪紳滿承恩雨露滋北辰還

捧日東館幸逢時

幸白鹿觀應制

制蹕乘驪阜迴輿指鳳京南山四皓謁西嶽兩童

迎雲幄臨玄圃霞杯薦赤城神明近茲

一作福

地何

必往蓬瀛

次蘇州

洛渚問吳潮吳門想洛橋夕煙楊柳岸春水木蘭

橈城邑南樓近星辰北斗遙無因生羽翼輕舉託

還颺

寄胡皓時在南中

徭役苦流滯風波限沂泗江流通地骨山道繞天

台有鳥圖南去無人見北來閉門滄海曲雲霧待

君開

餞許州宋司馬赴任



展驥旌時傑談雞美代賢暫離仙掖務追送近郊  
筵地慘金商節人康璧假田從來昆友事咸以佩  
刀傳

餞唐州高使君赴任

淮源之水清可以濯君一作我纓彼美稱才傑親人  
佇政聲歲寒疇曩意春晚別離情終歎臨岐遠行  
看擁傳榮

哭僕射鄂公楊再思

端揆凝邦績台階闡國猷方崇大厦棟忽逝巨川

舟白日銘安在清風頌獨畱死生恩命畢零落掩  
山丘

故西臺侍郎上官公挽歌

寓內文儒重朝端禮命優立言多啓沃論道盛謀  
猷顧日琴安在衝星劔不畱徒懷東武隧更掩北  
原丘

高安公主挽歌二首

湯沐三千賦樓臺十二重銀鑪稱貴幸一作子玉輦  
盛過逢嬪則畱中饋娥輝没下春平陽百歲後歌



舞爲誰容

賓衛儼相依橫門啓曙扉

一作暉

靈陰蟾兔缺仙影

鳳凰飛一水秋難渡三泉夜不歸况臨青女節瑶

草更前哀

七言律詩

奉和初春幸太平公主南莊應制

平陽館外有仙家沁水園中好物華地出東郊廻

日御城臨南斗度雲車風泉韻繞幽林竹雨霰光

搖雜樹花已慶時來千億壽還言日暮九重賒

興慶池侍宴應制

神池汎濫水盈科仙蹕紆徐步輦過縱棹洄沿萍

溜合開軒眺賞麥風和潭魚在藻供遊詠

一作欣游泳

谷鳥含櫻入賦歌寄語乘槎溟海客回頭來此問

天河

侍宴安樂公主山莊應制

集題作興慶池侍宴應制非

金輿玉輦背三條水閣山樓望九霄野外初迷七

聖道河邊忽覩二靈橋懸冰滴滴依虬箭清吹冷

泠雜鳳簫回晚平陽歌舞合前谿更轉木蘭橈

詩已

初唐卷之三十三

六



言紀 卷之三十三  
奉和春日幸望春宮應制

東城結宇瞰一作千尋北闕迴輿具四臨麗日祥

煙承罕罩輕萋弱草籍衣簪秦商重沓雲巖近河

渭縈紆霧壑深謬接鷓鴣鴻陪賞樂還欣魚鳥遂飛

沈

人日重宴大明宮恩賜綵縷人勝應制

詰旦行春上苑中憑高却下大明宮千年執象寰

瀛泰七日爲人慶賞隆鐵鳳曾騫搖瑞雪銅鳥細

轉入祥風此時朝野歡無筭此歲雲天樂未窮

五言排律

奉和幸禮部尚書竇希玠宅應制

家住千門側亭臨二水傍貴遊開北地宸眷幸西

鄉曳履迎中谷鳴絲出後堂浦疑觀萬象一作峯

似駐三光草向瓊筵樂花承繡宸香聖情思舊重

畱飲賦雕章

奉和晦日幸昆明池應制

玉輅尋春賞金堤重晦遊川通黑水浸一作地派

紫泉流晃朗扶桑出縣聯杞樹周鳥疑填海處人



似隔河秋劫盡灰猶識年移石故畱汀洲歸棹晚  
簫鼓雜汾謳

奉和幸長安故城未央宮應制

鳳輦乘春陌龍山訪故臺北宮纔盡處南斗獨昭  
回肆覽飛宸札稱觴引御杯已觀蓬海變誰厭柏  
梁災代挹孫通禮朝稱賈誼才忝儕文雅地先後  
各時來

奉和幸韋嗣立山莊侍宴應制

紀事作沈  
佺期詩

台階好赤松別業對青峯茅室一作屋承三顧花源

接九重龍

一作虹

旂縈秀木鳳輦拂疎筇徑狹

一作直

千官擁谿長萬騎容水塘開禹膳山閣獻堯鍾皇

鑒清居遠天文睿獎濃巖泉他日

紀事作夕

夢漁釣往

年逢共榮丞相府偏降逸人封

按唐書中宗幸韋嗣立山莊封嗣立

為逍遙公  
故有末句

奉和幸望春宮送朔方軍大總管張仁亶

邊郊草具腓河塞有兵機上宰調梅寄元戎細柳  
威武貌東道出鷹隼北庭飛玉匣謀中野金輿下  
太微投醪銜餞酌緝衮事征衣勿謂公孫老行聞



奏凱歸

奉和幸三會寺應制

睿德總無邊神臯擇勝緣二儀齊法駕三會禮香  
筵漢闕中黃近秦山太白連臺疑觀一作鳥日池  
似刻鯨年滿月臨真境秋風入御絃小臣叨下列  
持管謬窺天

奉和幸大薦福寺

寺即中宗舊宅

象設隆新宇龍潛想舊居碧樓披玉額丹仗導金  
輿代日興光近周星掩曜初空歌清沛筑梵樂美

河書帝造環三界天文賁六虛康哉孝理日崇德  
在真如

夏日都門送司馬貞外逸客孫貞外佺北

征

時相王為元帥魏大夫元忠為副

日逐滋南寇天威撫北垂析珪行仗節持印且分  
麾羽檄雙鳧去兵車駟馬馳虎旗懸氣色龍劍抱  
雄雌候月期戡翦經時念別離坐聞關隴外無復  
引弓兒

五言絕句

詩已

初唐集卷之三十三



言  
元日恩賜柏葉應制

景隆四年

勁節臨冬勁芳心待歲芳偏

一作能

令人益壽非止

麝含香

七言絕句

侍宴桃花園詠桃花應制

綺萼成蹊遍苑芳紅英撲地滿筵香莫將秋宴傳

王母來比春華望

一作壽

聖皇

奉和三日被禊渭濱

上林花鳥暮春時上巳陪遊樂在茲此日欣逢臨

渭濱昔年空道濟汾詞

奉和幸韋嗣立山莊侍宴應制

曲榭迴廊繞澗幽飛泉噴水溢池流祗應感發明

王夢遂得邀迎聖帝遊

侍宴安樂公主新宅應制

牽牛南渡象昭回學鳳樓成帝女來平日鷓鴣歌

舞席方宵鸚鵡獻酬杯

餞唐永昌

田郎才貌出咸京潘子文華向洛城願以深心畱



善政當令強項謝

一作識

高名

李適

文藝傳云字子至萬年人舉進士武后時預修三教珠英遷戶部員外郎兼修書學

士景龍初擢修文館學士睿宗時轉工部侍郎卒年四十九嘗夢與人論大衍數寤而曰吾壽盡此乎救其子曰灞陵原西視京師吾樂之可營墓及未病時衣冠往寢石榻上置所撰九經要句及素琴于前士貴其達

五言古詩

汾陰后土祠作

昔予讀舊史遍覩漢世君武皇實稽古建茲百代  
勲號令垂懋典舊經備闕文南巡歷九嶷舳艫被

江濱勒兵十八萬旌旗何紛紛竭來茂陵下英聲  
不復聞我行歲方晏極望山河分神光終冥漠鼎  
氣獨氛氲攬涕步睚上登高見彼汾雄圖今安在  
飛飛有白雲

荅宋十一崖口五渡見贈

聞君訪遠山躋險造幽絕眇然青雲境觀竒彌年  
月登嶺亦泝谿孤舟事沿越嶧嶂傳彩翠崕磴互  
欹缺石林上攢藜金澗下明滅捫壁窺丹井梯苔  
瞰乳穴忽枉巖中贈對翫未嘗輟殷勤獨徃事委



言終  
不居卷之三十三  
曲鍊藥說邀余名山期從爾泛海溘歲晏秉宿心  
斯言非徒設

錢許州宋司馬赴任

昔吾遊箕山竭來涉潁水復有許由廟迢迢白雲  
裏聞君佐繁昌臨風悵懷此儻到平輿泉寄謝干  
將里

五言律詩

奉和聖製九日侍宴應制

得高字

禁苑秋光入宸遊霽色高  
萸房頒綵笥菊蕊薦香

醪後騎縈堤柳前旌拂御桃  
王枚俱得從淺淺愧  
飛毫

遊禁苑幸臨渭亭遇雪應制

長樂喜春歸披香愛

一作瑞

雪霏花從銀閣度絮繞

玉牕飛寫曜銜天藻呈祥拂御衣  
上林紛可望無處不光輝

奉和九日登慈恩寺浮圖應制

鳳輦乘朝霽鸚林對晚秋天  
文具葉寫聖澤菊花  
浮塔似神功造龕疑佛影  
留幸陪清漢蹕欣奉淨



居遊

侍宴長寧公主東莊應制

鳳樓紆睿幸龍舸暢宸襟歌舞平陽第園亭沁水  
林山花添聖酒澗竹繞薰琴願奉瑤池駕千春侍  
德音

奉和送金城公主適西蕃應制

絳河從遠聘青海赴和親月作臨邊曉花為度隴  
春王歌悲顧鶴帝策重安人獨有瓊簫去一作悠  
悠思錦輪

奉和幸望春宮送朔方軍大總管張仁亶

地限驕南牧天臨餞北征解衣延寵命橫劍總威  
名豹畧恭宸旨雄文動睿情坐觀膜拜入朝夕受  
降城

七言律詩

人日宴大明宮恩賜綵縷人勝應制

朱城待鳳韶年至碧殿疏一作蟠龍淑氣來寶帳金

屏人已帖圖花學鳥勝初裁林香近接宜春苑山  
翠遙添獻壽杯向夕憑高風景麗天文垂曜象昭



回... 奉和春日幸望春宮應制

玉輦金輿天上來花園西望錦屏開輕絲半拂朱

門一作城柳細纈全披畫閣梅舞蝶飛行飄御席鶯

歌度曲繞仙杯聖詞今日光輝滿漢主秋風莫道

才短

奉和立春遊苑迎春

金輿翠輦迎嘉節御苑仙宮待獻春淑氣初銜梅  
色淺條風半拂柳墻新天杯慶壽齊南岳聖藻光

輝動北辰稍覺披香歌吹近龍驂日暮下城闔

帝幸興慶池戲競渡應制

拂霧金輿丹旆轉凌晨黼帳碧池開南山倒影從  
雲落北澗搖光寫溜一作浪迴急漿一作舸爭標排荇

度輕帆截浦觸荷來橫汾宴鎬歡無極歌舞年年

聖壽杯

侍宴安樂公主莊應制

平陽金榜鳳凰樓沁水銀河鸚鵡洲綵仗遙臨一作

尋丹壑裏仙輿暫幸綠亭幽前池錦石蓮花豔後



遊 嶺香鑪桂葉秋貴主稱觴萬年壽還輕漢武濟汾

七言絕句

侍宴安樂公主新宅應制

借問仙槎一去幾時來 銀河半倚鳳凰臺玉酒相傳鸚鵡杯若見君平須

餞唐永昌赴任東都自尚書郎為令

聞道飛鳧向洛陽翩翩矯翮度文昌因聲寄意三  
花樹少室巖前幾過一作香自注云有田在沙度室不見十年矣終

初唐第三十二

唐詩紀三十三

鄆郡吳瑄彙編

江都陸弼同校

宋之問

文苑傳云字延清弘農人弱冠知名善五言詩時無出其右者累轉尚方監丞

預修三教珠英坐附張易之左遷龍州參軍景龍中再轉考功員外郎選為弘文館學士尋轉越州長史睿宗立流欽州先天中賜死武平一為之纂集十卷○僧皎然云沈宋為有唐律詩之龜鑑情多興遠語麗為多真射鵬手使曹劉降格為之吾未知其孰勝

五言古詩

息夫人



言終  
初唐卷之三十三  
可憐楚破息腸斷息夫人仍爲泉下骨不作楚王  
嬪楚王寵莫盛息君情更親情親怨生別一朝俱  
殺身

初到陸渾山莊

授衣感窮節策馬凌伊關歸齊逸人趣日覺秋琴  
閒寒露衰北阜夕陽破東山浩歌步一作榛樾棲  
鳥隨我還

夜飲東亭

春泉

一作水

鳴大壑皓月吐層岑岑壑景色佳慰我

遠遊心暗芳足幽氣驚棲多衆音高興南山曲長  
誼橫素琴

送趙六貞固

目斷南浦雲心醉東郊柳怨別此何時青芳來已  
久與君共時物盡此盈樽酒始願今一作君不從春  
風戀携手

題張老松樹

歲晚東巖下周顧何悽惻日落西山陰衆草起寒  
色中有喬松樹使我長嘆息百尺無寸枝一生自



孤直

別之望後獨宿藍田山莊

鵲鴿有舊曲調苦不成歌自嘆兄弟少常嗟離別

多爾尋北京路子卧南山阿泉晚更幽咽雲秋尚

差我藥欄聽蟬噪書幌見禽過愁至願甘寢其如

鄉夢何

浣紗篇贈陸上人

越女顏如花越王聞浣紗國微不自寵獻作吳王

娃山一作女數半潛匿苧蘿更蒙遮一行霸勾踐再

笑一作顧傾夫差艷色奪人目一作常人數噸亦相誇一

朝還舊都靚粧尋若邪鳥驚入松網紀事作林鳥驚入松魚

畏沈荷花紀事作網魚畏沈花始覺冶容妄方悟羣心邪一作

斜欽子秉幽意世人共稱嗟願言托君懷倘類蓬

生麻家住雷門曲高閣凌飛霞淋漓翠羽帳旖旎

采雲車春風艷楚舞秋月纏一作綿胡笳自昔專嬌

愛襲玩唯矜奢達本知空寂棄彼猶泥沙永割偏

執性自長薰修芽携妾不障道來止妾西家

雨從箕山來



雨從箕山來倏與飄風度  
晴明西峰日綠縟南谿  
樹此時客精廬幸蒙真僧顧  
溪入清淨理妙斷往來  
趣意得兩契如言盡共忘  
喻觀花寂不動聞鳥懸  
可悟向夕聞天香淹留不能去

初至崖口

崖口衆山斷嶽峯聳天壁氣衝落日紅影入春潭  
碧錦續織苔蘚丹青畫松石水禽泛容與巖花飛  
的皪微路從此溪我來恨于役惆悵情未已羣峰  
暗將夕

自湘源至潭州衡山縣

浮湘沿迅湍逗浦凝遠盼漸見江勢濶行嗟水流  
漫赤岫雜雲霞綠竹緣谿澗向背羣山轉應接良  
景晏沓障連夜猿平沙覆陽鴈紛吾望闕容

一作客

歸橈速已慣中道方泝洄遲念自茲撰賴欣衡陽  
美持以蠲憂患

入崖口五渡寄李適

抱琴登絕壑伐木泝清川路極意謂盡勢迴趣轉  
綿人遠草木秀山溪雲景鮮余負海嶠情自昔微



尚然彌曠十餘載今來宛仍前未窺仙源極獨進  
野人船時攀乳竇憇屢薄天牕眠夜絃響松月朝  
楫美苔泉因冥象外理永謝區中緣碧潭可遺老  
丹砂堪學仙莫使馳光暮空令歸鶴憐

洞庭湖

地盡天水合朝及洞庭湖初日當中涌莫辨東西  
隅晶耀目何在澄熒心欲無靈光晏海若游氣耿  
天吳張樂軒皇至征苗夏禹徂楚臣悲落葉堯女  
泣蒼梧野積九江潤山通五嶽圖風恬魚自躍雲  
夕鴈相呼獨此臨泛漾浩將人代殊永言洗氛濁  
卒歲爲清娛要使功成退徒勞越大夫

景龍四年春祠海

肅事祠春溟宵齋洗蒙慮雞鳴見日出鷺下驚一作

觀濤驚地濶八荒近天迴百川澍一作筵端接空

曲目外唯霧霧暖氣物象來周遊晦明互致牲匪

玄享禋滌期靈煦的的波際禽沄沄島間樹安期

今何在方丈蔑尋路仙事與世隔冥搜徒已屢四

明背羣山遺老莫辨處撫中一作良自慨弱齡添



言終  
恩遇三入文史林兩拜神仙署雖歎出關遠始知  
臨海趣賞來空自多理勝孰能喻留楫竟何待徒  
倚忽云暮

溫泉莊卧病寄楊七炯

多病一作移疾卧茲嶺寥寥倦幽獨賴有高丘山高枕  
長在目茲山棲靈異朝夜翳雲族是日濛雨晴返  
景入巖谷纂纂澗畔草青青山下木此意方無窮  
環顧悵林麓伊洛何悠漫川原信重複夏餘鳥獸  
蕃秋末禾黍熟秉願守樊圃歸閒欣藝牧惜無載

酒人徒把涼泉

一作潭掬

敬答田徵君

家臨清谿水谿水繞盤石綠蘿四面垂裊裊百餘  
尺風泉度絲管苔蘚鋪茵席傳聞潁陽人霞外漱  
靈液忽枉巖中翰吟望一作卧朝復夕何當遂遠遊  
物色候逋客

自衡陽至韶州謁能禪師

謫居竄炎壑孤帆森不繫別家萬里餘流目三春  
際猿啼山館曉虹飲江臯霽湘岍竹泉幽衡峯石



言終  
閣閉嶺嶂窮攀越風濤極沿濟吾師在衡陽欣此  
得躬詣洗慮賓空寂焚香結精誓願以有漏軀聿

一作薰無生慧物用益一作冲曠心源日間細伊

我獲此途遊道廻一作晚計宗師信捨法擯落文

史藝坐禪羅浮中尋異南一作海裔何辭禦魑魅

自可乘炎癘迴首望舊一作鄉雲林浩虧蔽不作

別離苦歸期多年歲

見南山夕陽召監師不至

夕陽黯晴暮山翠互明滅此中意無限要與開士

說徒鬱仲舉思詎迴道林轍孤興欲待誰待此湖

上月

遊法華寺

薄遊京都日遙羨稽山名分刺江海郡竭來徵素

情松露洗心眷象筵敷念誠薄雲界青嶂皎日騫

朱薨苔澗溪不測竹房閒且清感真六象見垂兆

二鷗一作鳴古今信靈跡中州莫與京林巘永棲

業豈伊佐一作一生浮悟雖已久事試去來成觀

念幸相續庶幾最後明



宿雲門寺

雲門若邪裏泛鶴路纔通黃緣綠篠岍遂得青蓮

宮天香衆壑滿夜梵前山空漾漾潭際月颼颼一作

飄飄杉上風茲焉多嘉趣數子今莫同鳳歸慨處士

鹿化聞仙公樵路鄭州北舉一作學井阿巖東永夜

豈云寐曙華忽葱籠谷鳥嘯尚澁源桃驚未紅再

來期春暮當造林端窮庶幾蹤謝客開山投剡中

春湖古意

院梅發向尺園鳥復成曲落日遊南湖果擲顏如

玉含情不得語轉盼知所屬惆悵未可歸寧關須

采一作林菘

遊陸渾南山自歇馬嶺到楓香林以詩代

書答李舍人適

晨登歇馬嶺遙望伏牛山孤出羣峰首熊羆元氣

間太和亦崔嵬石扇一作扉橫閃倏細岑互攢倚浮

巘競奔蹙白雲遙入懷青靄近可掬徒尋靈異跡

一作我從周顧愜心目晨拂鳥路行暮投人煙宿

稷稻遠彌秀粟芋秋新熟石髓非一巖藥苗乃萬



言終  
不居卷之三十三  
族間關踏雲雨繚繞綠水木西見商山芝南到楚  
鄉竹楚竹幽且深半雜楓香林浩歌清潭曲寄爾  
桃源心

### 早發大庾嶺

晨躋大庾險驛鞍馳復息霧露晝未開浩途不可  
測嶭起華夷界信爲造化力歇鞍問徒旅鄉關在  
西北出門怨別家登嶺恨辭國自惟最忠孝斯罪  
情所得皇明頗昭一作照洗廷議日紛惑兄弟遠淪  
居妻子成異域羽翮傷已毀童幼憐未識踟躕戀

北顧亭午晞霽色春暖陰梅花瘴回陽鳥翼含沙  
緣澗聚吻草依林植適蠻悲疾首懷鞏淚沾臆感  
謝鷓鷯朝勤脩魍魅職生還倘非遠誓擬酬恩德

### 自洪府舟行直書其事

仲春辭國門畏途橫萬里越淮乘楚嶂造江泛吳  
汜嚴程無休隙日夜涉風水昔聞垂堂言將誠千  
金子問余何奇剝遷竄極炎鄙揆已道德餘幼聞  
虛白旨貴身賤外物抗跡遠塵軌朝遊伊水湄夕  
卧箕山趾妙年拙自晦皎潔美文史謬辱紫泥書



言終  
揮翰青雲裏事往每增傷寵來常誓止銘骨懷報  
稱一作林丘逆鱗讓金紫安位釁潛構退耕禍猶起棲  
巖實吾策觸藩誠內耻濟濟同時人台庭鳴劍履  
愚以卑自衛兀坐去沉滓迨茲理已極竊位申知  
已羣議負宿心獲戾光華始黃金忽銷鑠素業坐  
淪毀浩歎誣平生何獨戀松一作粉梓浦樹浮鬱鬱  
臯蘭覆靡靡百越去魂斷九疑望心死未盡匡阜  
遊遠欣羅浮美周旋本師訓佩服無生理異國多  
靈仙幽探忘年紀敞廬嵩山下空谷茂蘭芷悠悠

南溟遠採掇長已矣

下桂江縣黎壁

放溜覲前漱連山分上千江回雲壁轉天小霧峰  
攢吼沫跳急浪合流環峻灘欹雜出漩割繚繞避  
渦盤舟子怯桂水最云一作言斯路難吾生抱忠信  
吟嘯自安閒旦別已千歲夜愁勞萬端企予見夜  
月委曲破林巒潭曠竹煙盡洲香橘露團豈傲夙  
所好對之與俱歡思君罷琴酌泣此夜漫漫

奉使嵩山途經緱嶺



詩紀 卷之三十三  
侵星發洛城城中歌吹聲畢景至緱嶺嶺上煙霞  
生草樹饒野意山川多古情大隱德所薄歸來可  
退耕

傷王七秘書監寄呈揚州陸長史通簡府  
僚廣陵好事

王氏貴先宗衡門棲道風傳一作心晤有物秉化  
遊無窮學奧九流異機玄三語同書乃墨場絕文  
稱詞伯雄白屋藩魏主蒼生期謝公一祇賢良詔  
遂謁承明宮補袞望奚塞尊儒位未充罷官七門

裏歸老一丘中嘗忝長者轍微言私謂通我行會  
稽郡路出廣陵東物在人已矣都疑淮海空

使至嵩山尋杜四不遇慨然復傷田洗馬  
韓觀主因以題壁贈杜侯杜四

洛橋瞻太室期子在雲煙歸來不相見孤賞弄寒  
泉與君澗松石于茲二十年田公謝昭世韓子秘  
幽埏憶昔同携手山棲接二賢笙歌入玄地詩酒  
坐寥天舊友悉零落罷琴私自憐遊者非藥誤餐  
霞意可全爲余理還策相與事靈仙



詠郡齋海榴

澤國韶氣早開簾延霽天野禽宵未轉山蜚晝仍  
眠目茲海榴發列暎巖楹前熠爚禦風靜歲蕤含  
景鮮清晨綠堪佩亭午丹欲燃昔忝金閨籍嘗見  
玉池蓮未若宗族地更逢榮耀全南金雖自貴賀  
賞詎能遷撫躬萬里絕豈染一朝妍徒緣滯遐郡  
常是惜流年越俗鄙章甫捫心空自憐

郡宅中齋

郡宅枕層嶺春湖繞芳甸雲薨出萬家卧覽皆已

遍漁商汗成雨解邑明若練越俗鏡中行夏祠雲  
表見茲都信盤鬱英遠常棲眇王子事黃老獨樂  
恣遊衍謝公念蒼生同憂感推薦靈越多秀士運  
闊無由面神理翳青山風流滿黃卷揆予謬承獎  
自昔從纓弁瑤水執仙羈金閨負時選晨趨博望  
苑夜直明光殿一朝罷臺閣萬里違鄉縣風土足  
慰心況悅年芳變淮廩佇滋實沂歌非所羨訟寢  
歸四明齡頽親九轉微尚本江海少留豈交戰唯  
餘後凋色竊比東南箭



七言古詩

軍中人日登高贈房明府

幽郊昨夜陰風斷頓覺朝來陽吹暖涇水橋南柳  
欲黃杜陵城北花應滿長安昨夜寄春衣短翮登  
茲一望歸聞道凱旋乘騎入看君走馬見芳菲

寒食陸渾別業

洛陽城裏花如雪陸渾山中今始發旦別河橋楊  
柳風夕卧伊川桃李月伊川桃李正芳新寒食山  
中酒復春野老不知堯舜力酣歌一曲太平人

寒食江州蒲塘驛

去年上巳洛橋邊今年寒食廬山曲遙憐鞏樹花  
應滿復見吳洲草新綠吳洲春草蘭杜芳感物思  
歸懷故鄉驛騎明朝發何處猿聲今夜斷君腸

隱王二無競題壁慨然成詠

逐臣北地承嚴譴謂到南中每相見豈意南中岐  
路多千山萬水一作千里分鄉縣雲捲雨散各翻飛  
海濶天長音信稀處處山川同瘴癘自憐能得幾



人歸

綠竹引

青谿綠潭潭水側脩竹嬋娟同一色徒生仙實鳳  
不遊老死空山人詎識妙年秉願逃俗紛歸卧高  
丘弄白雲含情傲睨慰心目何可一日無此君

明河篇

紀事云武后時之問求為北門學士不許乃  
作此篇以見意后見之謂崔融曰非不知之  
問有奇才但恨有口過  
耳注口過謂口臭也

八月涼風天氣晶一作清萬里無雲河漢明昏見南

樓清且淺曉落西山縱復橫洛陽城闕天中起長  
河夜夜千門裏複道連甍共蔽虧畫堂瓊戶特相  
宜雲母帳前初汎濫水精簾外轉逶迤倬彼昭回  
如練白復出東城接南陌南陌征人去不歸誰家  
今夜擣寒衣鴛鴦機上疏螢度烏鵲橋邊一鴈飛  
鴈飛螢度愁難歇坐見明河漸微沒已能舒卷任  
浮雲不惜光輝讓流月明河可望不可親願得乘  
槎一問津更將織女支機石還訪成都賣卜人

龍門應制



宿雨霽氛埃流雲度城闕河堤柳新翠苑樹花先  
 發洛陽花柳此時濃山水樓臺映幾重羣公拂霧  
 朝翔鳳天子乘春幸鑿龍鑿龍近出王城外羽從  
 琳琅一作淋漓擁軒蓋雲蹕一作蹕纔臨御水橋天衣已  
 入香山會山壁嶄巖斷復連清流澄澈俯伊川鴈  
 塔遙遙綠波上星龕奕奕翠微邊層巒舊長千尋  
 木遠壑初飛萬一作白丈泉綵仗紅一作蜺旌遶香閣  
 下輦登高望河洛東城宮闕擬昭回南陌溝塍殊  
 綺錯林下天香七寶臺山中春酒萬年杯微風一

起祥花落仙樂初鳴瑞鳥來鳥來花落紛無已稱

觴獻壽香一作煙

霞裏歌舞淹留景欲斜石關一作間

一作

猶駐五雲車鳥旗翼翼留芳草龍騎駸駸映晚花

千乘萬騎鑾輿出水靜山空嚴警蹕郊外喧喧引

看人傾都南望屬車塵囂聲引颺聞黃道王一作佳

一作

氣周迴一作旋

入紫宸先王定鼎山河固寶命乘周

萬物新吾君一作皇

不事瑤池樂時雨來觀農扈春

紀事云武后遊龍門命羣官賦詩先成者賜以錦袍左史東方虬詩成拜賜坐未安之間詩成文理兼美左右稱善乃就奪錦袍衣之



初宿淮口

孤舟汴河水去國情無已晚泊投楚鄉明月清淮  
裏汴河東瀉路窮茲洛陽西顧日增悲夜聞楚歌  
思欲斷况值淮南水落時

王子喬

王子喬愛神仙七月七日上賓天白虎搖瑟鳳吹  
笙乘騎雲氣喻日精喻日精長不歸遺廟今在而  
人非空望山頭草草露濕人一作衣

放白鷗篇

故人贈我綠綺琴兼致白鷗鳥琴是嶧山桐鳥出  
吳谿中我心松石清霞裏弄此幽弦不能已我心  
河海白雲垂憐此珍禽空自知著書晚下麒麟閣  
幼稚驕痴候門樂乃言物性不可違白鷗愁慕刷  
毛衣玉徽閉匣留爲念六翮開籠任爾飛

桂州三月三日

代業京華裏遠投魍魅鄉登高望不極一作雲海

四茫茫伊昔承休盼曾爲人所羨兩朝賜顏色二

紀陪遊一作歡宴昆明御宿侍龍媒伊闕天泉復幾



言終  
元唐卷之三十三  
六  
迴西夏黃河水心劍東周清洛羽觴杯苑中落花  
掃還合河畔垂楊撥不開千春獻壽多行樂柏梁  
和歌攀睿作賜金分帛奉恩一作駐光輝風舉雲搖入  
紫微晨趨北闕鳴珂至夜出南宮把燭歸載筆儒  
林多歲月襍被文昌佐吳越越中山海高且深興  
來無處不登臨永和九年刺海郡暮春三月醉山  
陰愚謂嬉遊長似昔不言流寓歛成今始安繁華  
舊風俗悵飲傾城拂江曲主人綵管清且悲客子  
肝腸斷還續荔浦蘅臯萬里餘洛陽音信絕能踈

故園今日應愁思曲水何能更袞除作伴誰憐合  
浦葉思歸豈食桂江魚不求漢使金囊贈願得佳

家一作人錦字書

騷體

下山歌

下嵩山今多所思携佳人今步遲遲松間明月長  
如此君再遊今復何時

冬宵引

河有冰兮山有雪北戶墜兮行人絕獨坐山中兮



詩經 初唐卷之三十三 七  
對松月懷美人今屢盈缺明月的的寒潭中青松  
幽幽吟徑風此情不向俗人說愛而不見恨無窮

高山引

攀雲窈窕今上躋懸峰長路浩浩今此去何從水  
一曲兮腸一曲山一重兮悲一作愁一重松檟邈已  
遠友于何日逢况滿室兮童稚攢衆慮於心胸天  
高難訴兮遠負明德却望咸京兮揮涕龍鍾

嵩山天門歌

登天門兮坐盤石之磷砢前澹澹兮未半下漠漠

今無垠紛窈窕兮巖倚披以鵬翅洞膠葛兮峰稜  
層以龍鱗松移岫轉左變而右易風生雲起出鬼  
而入神吾亦不知其靈怪如此願遊杳冥兮見羽  
人重曰天門兮穹崇迴合兮攢藂松萬接兮柱日  
石千尋兮倚空晚陰兮足風夕陽兮赭紅試一望  
今奪魄况衆妙之無窮



全本翻成來妙之無嫌  
 不十學令尚空即劍令及風夕則令  
 入重曰天門令等崇國令令計藥外  
 而  
 初唐第三十三

初唐第三十四

唐詩紀三十四

鄆郡吳瑄彙編

江都陸弼同校

宋之問

五言律詩

奉和立春日侍宴內出剪綵花應制

金閣妝仙

一作新

杏瓊筵弄綺梅人間都未識天上

忽先開蝶繞香絲住蜂憐艷粉

一作彩艷

迴今年春色

早應為剪刀催

詩紀

初唐卷之三十四



春日芙蓉園侍宴應制

芙蓉秦地沼盧橘漢家園谷轉斜盤徑川一作迴  
曲抱原風來花自舞春入鳥能言侍宴瑤池夕歸  
途騎吹繁

夏日仙萼亭應制

高嶺逼星河乘輿此日過野合時雨潤山雜夏雲  
多睿藻光巖穴宸襟洽薜蘿悠然小天下歸路滿  
笙歌

奉和九月九日登慈恩寺浮圖應制

鳳刹侵雲半虹旌倚日邊散花多寶塔張樂布金  
田時菊芳仙醞秋蘭動睿篇香街稍欲晚清蹕扈  
歸天

奉和九日幸臨渭亭登高應制得歡字

今節三秋晚重陽九日歡仙杯還泛菊寶饌且調  
蘭御氣雲霄近乘高宇宙寬今朝萬壽引宜向曲  
中彈

奉和聖制閏九月九日登莊嚴總持二寺

閣



言  
不厚卷之三十四  
閏月再重陽仙輿歷寶坊帝歌雲稍白御酒菊猶  
黃風鐸喧行漏天花拂舞行豫遊多景福梵宇日  
生光

麟趾殿侍宴應制

北闕層城峻西宮複道懸乘輿歷萬戶置酒望三  
川花柳含丹日山河入綺筵欲知陪賞處空外有  
飛煙

上陽宮侍宴應制

得林字

廣樂張前殿重裘感聖心砌蕙霜月盡庭樹雪雲

深舊渥驂宸御慈恩忝翰林微臣一何幸再得聽  
瑤琴

幸少林寺應制

紺宇橫天室迴鑾指帝休曙陰迎日盡春氣抱巖  
流空樂繁行漏香煙薄綵游玉膏從此泛仙馭接  
浮丘

幸岳寺應制

暫幸珠筵地俱憐石瀨清泛流張翠幕拂迴挂紅  
旌雅曲龍調管芳罇蟻泛觥陪歡玉座晚復得聽



詩經  
卷之三十四  
三

扈從登封途中作

帳殿鬱崔嵬仙遊實壯哉  
曉雲連暮捲夜火雜星  
回谷暗千旗出山鳴萬  
乘來扈從良可賦終乏  
揆天材

扈從登封告成頌

複道開行殿鈎陳列禁兵  
和風吹鼓角佳氣動旗  
旌後騎迴天苑前山入  
御營萬方俱下拜相與  
樂昇平

松山嶺

翼翼高旌轉鏘鏘鳳輦飛  
塵銷清蹕路雲濕從臣  
衣白羽搖丹壑天營逼  
翠微芳聲耀今古四海  
警宸威

緱山廟

王子賓仙去飄颻笙鶴飛  
徒聞滄海變不見白雲  
歸天路何其遠人間此  
會稀空歌日云暮霜月  
漸微微

奉和梁王宴龍泓應教

得微字

詩經

卷之三十四

三



水府淪幽壑星輶下紫微鳥驚司僕馭花落侍臣  
衣芳樹搖春晚晴雲繞座飛淮王正留客不醉莫  
言歸

壽陽王花燭圖

一作沈  
佺期詩

仙媛乘龍日

夕一作

天孫捧鴈來可憐桃李樹

一作

更繞鳳凰臺燭照香車入花臨寶扇開莫令銀箭

一作  
漏曉為盡合歡杯

江南曲

妾住越城南離居不自堪採花驚曙鳥摘葉餞春

蠶懶結茱萸帶愁安玳瑁簪待君消瘦盡日暮碧

一作  
綠江潭

牛女

粉席秋期緩針樓別怨多奔龍爭渡月飛鵲亂填  
河失喜先臨鏡含羞未解羅誰能留夜色來夕倍  
還梭

冬夜寓直麟閣

一作王  
維詩

直事披三省重關秘七門廣庭憐雪淨深屋  
喜爐温月幌花虛馥風牕竹暗喧東山白雲意茲



夕寄琴樽

登禪定寺閣

梵宇出三天登臨望八川開襟坐霄漢揮手拂雲  
煙函谷青一作春山外昆明落日邊東京楊柳陌少  
別已經年

陸渾山莊

歸來物外情負杖閱巖耕源水看花入幽林採藥  
行野人相問姓山鳥自呼名去去獨吾樂無能一作然  
愧此生

藍田山莊

宦遊非吏隱心事好幽偏考室先依地為農且用  
天輞川朝伐木藍水暮澆田獨與秦山老相歡春  
酒前

春日山家

今日遊何處春泉洗藥歸悠然紫芝曲晝掩白雲  
扉魚躍一作樂偏尋藻人閑屢采薇丘中無俗事身  
世兩相違

春日宴宋主簿山亭得寒字



公子正邀歡林亭春未闌攀巖踐苔易迷路出花  
難牕覆垂楊暖堦侵瀑水寒帝城歸路直留與接  
鵷鸞

江亭晚望

浩渺浸雲根煙嵐出遠村鳥歸沙有跡帆過浪無  
痕望水知柔性看山欲斷魂縱情猶未已迴馬欲  
黃昏

秋晚遊普耀寺

薄暮曲江頭仁祠暫可留山形無隱霽野色遍呈

秋花

一作荷

覆香泉密藤緣寶樹幽平生厭塵事過

此忽悠悠

答李司戶夔

遠方來下客輶軒攝

一作揖

使臣弄琴宜在夜傾酒

貴逢春駟馬留孤館雙魚贈故人明朝散雲

一作行

一作

雨遙仰德爲隣

寄天台司馬道士

卧來生白髮覽鏡忽成絲遠媿餐霞子童顏且自  
持舊遊惜疎曠微尚日磷緇不寄西山藥何由東



海期

使往天平軍馬約與陳子昂新鄉爲期及  
還而不相遇

入衛期之子吁嗟不少留情人去何處淇水日悠  
悠恒碣青雲斷衡漳白露秋知君心許國不是愛  
封侯

過函谷關

二百四十載海內何紛紛六國兵同合七雄勢未  
分從成拒秦帝策決問蘇君雞鳴將狗盜論德不

論勲

送朔方何侍郎

聞道雲中使乘驄往復還河兵守陽月塞虜失陰  
山拜職嘗隨驃銘功不讓班旋聞受降日歌舞入  
蕭關

送田道士使蜀投龍

風馭忽冷然雲臺路幾千蜀門峰勢斷巴字水形  
連人隔壺中地龍遊洞裏天贈言迴馭日圖畫彼  
山川



言紀 初唐卷之三十四 八  
送許州宋司馬赴任

潁郡水東流荀陳兄弟遊偏傷茲日遠獨向聚星  
州河潤在明德人康非外求當聞力爲政遙慰我  
心愁

送趙司馬赴蜀州

餞子西南望煙綿劍道微橋寒金鴈落林曙碧雞  
飛職拜輿方遠仙成履會歸定知和氏璧遙掩玉  
輪輝

送永昌蕭贊府

柳變曲江頭送君函谷遊弄琴寬別意酌醴醉春  
愁戀本亦何極贈言微所求莫令金谷水不入故  
園流

送李侍御

行李戀庭闈乘輶振綵衣南登指吳服北走出秦  
畿去國夏雲斷還鄉秋鴈飛旋聞郡計入更有使  
臣歸

餞湖州薛司馬

別駕促嚴程離筵多故情交深季作友義重伯爲



言系  
初唐卷之三十四  
兄鎮靜移吳俗風流在漢京會看陳仲舉從此拜  
公卿

送杜審言

卧病人事絕聞一作嗟君萬里行河橋不相送江樹  
遠含情別路追孫楚維舟弔屈平可惜龍泉劍流  
落在豐城

送武進鄭明府

絃歌試宰日城闕賞心違北謝蒼龍去南隨黃鵠  
飛夏雲海中出吳山江上微一作豈云遠從昨歌一作謠

此慶緇衣

送姚侍御出使江東

帝憂河朔郡南發海陵倉坐歎青春別逶迤碧水  
長飲冰朝受命衣錦晝還鄉爲問東山桂無人何  
自芳

留別之望舍弟

同氣有三人分飛在此晨西馳巴嶺徼東去洛一作汶  
陽濱強飲離前酒終傷別後神誰憐散花萼獨  
赴日南春



漢江宴別

漢廣不分天舟移杳若仙秋

一作林

虹映晚日江鶴

弄晴煙積水浮冠蓋遙風逐管絃嬉遊不可極留

恨此山川

初發荆府贈長史

仍隨五馬謫載與兩禽

奔明主無由見羣公莫與言幸君逢聖日何惜理

虞翻

晚泊湘江

五嶺恓惶客三湘顛顛顏况復秋雨霽表裏見衡  
山路逐鵬南轉心依鴈北還唯餘望鄉淚更染竹  
成斑

過蠻洞

越嶺千重合蠻谿十里斜竹迷樵子徑萍匝釣人  
家林暗交楓葉園香覆橘花誰憐在荒外孤賞足  
雲霞

經梧州

南國無霜霰連年見物華青林暗換葉紅蕖續開



花春去聞山鳥秋來見海槎流芳雖可悅會自泣  
長沙

渡吳江別王長史

倚棹望茲川銷魂獨黯然鄉連江北樹雲斷日南  
天劍別龍初沒書成鴈不傳離舟意無恨催渡復  
催年

泛鏡湖南谿

乘輿入幽棲舟行日向低巖花候冬發谷鳥作春  
啼沓嶂開天小叢篁夾路迷猶聞可憐處更在若

邪谿

途中寒食

馬上逢寒食愁

一作途

中屬暮春可憐江浦望不見

洛橋

一作陽

人北極懷明主南溟作逐臣故園腸斷

處日夜柳條新

遊韶州廣界寺

影殿臨丹壑香臺隱翠霞巢飛含象鳥砌蹋雨空  
花寶鐸搖初霽金池映晚沙莫愁歸路遠門外有  
三車



宿清遠峽山寺

香岫懸金刹飛泉界

一作

石門空山唯習靜中夜

寂無喧說法初聞鳥看心欲定猿寥寥隔塵市

一作

事何異武陵源

題大庾嶺北驛

陽月南飛鴈傳聞至此迴我行殊未已何日復歸

來江靜潮初落林昏瘴不開明朝望鄉處應見隴

頭梅

度大庾嶺

度嶺方辭國停輶一望家魂隨南翥鳥淚盡北枝

花山雨初含霽江雲欲變霞但令歸有日不敢恨

長沙

端州別袁侍郎

合浦塗未極端谿行暫臨淚來空泣臉愁至不知

心客醉山月靜猿啼江樹深明朝共分手之子愛

千金

過史正議宅

舊交此零落雨

一作

泣訪遺塵劍几傳好事池臺

詩記

初唐詩卷之三十四

三



傷故人國香蘭已歇里樹橘猶新不見吳中隱空  
餘江海濱

梁宣王挽詞三首

貴藩堯母族外戚漢家親業重興王際功高復辟  
辰愛賢唯報國樂善不防身今日衣冠送空傷置  
醴人

金精何日閉玉匣此時開東望連吾子南瞻近帝  
臺地形龜食報墳土燕銜來可歎虞歌夕紛紛騎  
吹迴

像設千年在平生萬事違綵旌翻葆吹圭萋莫靈  
衣壠日寒無影郊雲凍不飛君王留此地駟馬欲  
何歸

魯忠王挽詞三首

同盟會五月歸墓出三條日慘咸陽樹天寒渭水  
橋稍看朱鷺轉尚識紫駟驕寂寂泉臺恨從茲罷  
玉簫

邦家錫寵光存沒貴忠良遂裂山河地追尊父子  
王人悲槐里月馬踏槿原霜別向天京北悠悠此



路長

樹羽迎朝日撞鍾望早霞故人悲宿草中使慘晨  
笳氣有衝天劍星無犯斗槎唯餘孔公宅長接魯  
王家

范陽王挽詞二首

賢相稱邦傑清流舉代推公才掩諸夏文體變當  
時賓弔翻成鶴人亡惜喻龜洛陽今紙貴猶寫太  
冲詞

贈秩

一作袞

徽章洽求書秘草成客隨朝露盡人逐

夜舟驚蒿里衣冠送松門印綬迎誰知楊伯起今  
日重哀榮

故趙王屬贈黃門侍郎上官公挽詞二首

韋門旌舊德班氏業前書謫去因丞相歸來為婕  
妤周原烏相塚越嶺鴈隨車溟漠辭昭代空憐賦  
子虛

綠車隨帝子青瑣翊宸機昔枉朝歌騎今虛夕拜  
闈柳河悽挽曲薤露濕靈衣一厝窮泉閉雙鸞遂  
不飛



七言律詩

奉和春初幸太平公主南莊應制

青門路接鳳皇臺素澹宸遊龍騎來澗草自迎香  
輦合巖花應待御筵開文移北斗成天象酒遞一作

近南山作壽杯此日侍臣將石去共歡明主賜金

廻

之問此篇及昆明池  
薦福寺都為冠首

高山石淙侍讌應制

得幽字

離宮秘苑勝瀛洲別有仙人洞壑幽巖邊樹色含  
風冷石上泉聲帶雨秋鳥向歌筵來度曲雲依帳

殿結為樓微臣昔忝方明御今日還陪八駿遊

和趙員外桂陽橋遇佳人

見玉臺後集

江雨朝飛浥細塵陽橋花柳不勝春金鞍白馬來  
從趙玉面紅粧本姓秦妬女猶憐鏡中髮侍兒堪  
感路傍人蕩舟為樂非吾事自嘆空閨夢寐頻



初唐第三十四

齊人謝朓詩

春豫靈池會滄波

帳殿開舟凌石鯨

度槎拂斗牛

迴節晦莫全落春

遲柳暗催象溟看

浴景燒劫辨

沈灰鎬飲周文樂

初唐第三十五

唐詩紀三十五

鄆郡吳瑄彙編

江都陸弼同校

宋之問

五言排律

奉和晦日幸昆明池應制

春豫靈池會滄波

帳殿開舟凌石鯨

度槎拂斗牛

迴節晦莫全落春

遲柳暗催象溟看

浴景燒劫辨

沈灰鎬飲周文樂

汾歌漢武才不愁

明月盡自有



夜珠來

純事云中宗正月晦日幸昆明池賦詩羣臣應制百餘篇帳殿前結綵樓命上官昭容選一首為新翻御製曲從臣悉集其下須臾紙落如飛唯沈宋二詩不下又移時一紙飛墜乃沈詩也及聞其評曰二詩工力悉敵沈詩落句云微臣彫朽質羞觀豫章材蓋詞氣已竭宋詩云不愁明月盡自有夜珠來猶隄健騫舉沈乃伏不敢復爭

奉和幸大薦福寺

寺即中宗舊宅

香刹中天起宸遊滿路輝乘龍太子去駕象法王  
歸殿飾金人影牕搖玉女扉稍迷新草木遍識舊  
庭闈水入禪心定雲從寶思飛欲知皇劫遠初拂  
六銖衣

奉和幸三會寺應制

傳是倉頡造書臺

六飛迴玉輦雙樹謁金仙瑞鳥呈書字神龍吐浴  
泉淨心遙証果睿想獨超禪塔湧香花地山圍日  
月天梵音迎漏一作徹空樂倚雲懸今日登仁壽  
長看法鏡圓

薦福寺應制

梵筵光聖邸遊豫覽宏規不改靈光殿因開功德  
池蓮生新步葉桂長昔攀枝湧塔庭中見飛樓海  
上移聞韶三月幸觀象七星危欲識龍歸處朝朝



雲氣隨

奉和幸神臯亭應制

清蹕喧黃道乘輿降紫宸  
霜戈凝曉日雲管發陽春  
臺古今疑一作全知漢林餘半識  
秦宴酣詩布澤節改令行  
仁昔恃山河險今依道德淳  
多慚獻嘉頌空累屬車塵

奉和幸長安故城未央宮應制

漢王未息戰蕭相乃營宮  
壯麗一朝盡威靈千載空  
皇明悵前跡置酒宴羣公  
寒輕綵仗外春發幔

城中樂思迴斜日歌詞繼大風  
今朝天子貴不假叔孫通

奉和幸韋嗣立山莊侍宴應制

樞掖調梅暇林園藝槿初入朝  
榮劍履退食偶一作

樂琴書地隱東巖室天迴北斗車  
旌門臨窅窱輦

道屬扶疎雲罕明丹壑一作谷霜笳徹紫虛水疑投

石處谿似釣璜餘帝澤頒卮酒人歡頌里閭一承

黃竹詠長奉白茅居

扈從登封告成頌應制



御路迴中嶽天營接下都百靈無後至萬國競前  
 驅文衛嚴清蹕幽仙讀寶符貝花明漢果芝草入  
 堯厨濟濟衣冠會喧喧夷夏俱宗裡仰神理刊木  
 望川途撫已貧非病時來本不愚願陪丹鳳輦率  
 舞白雲衢

宴安樂公主宅

得空字

英藩築外館愛主出王宮賓至星槎落仙來月宇  
 空玳梁翻賀燕金埒倚晴虹簫去秦臺裏書開魯  
 壁中短歌能駐日艷舞欲嬌風聞有淹留處山阿

蒲桂叢

春日鄭協律山亭陪宴餞鄭卿

同用樓字

潘園枕郊郭愛客坐相求尊酒東城外駉駉南陌  
 頭池平分洛水林缺見嵩丘暗竹侵山徑垂楊拂  
 妓樓彩雲歌處斷遲日舞前留此地何年別蘭房  
 空自幽

和姚給事寓直之作

清論滿朝陽高才拜夕郎還從避馬路來接珥貂  
 行寵就黃扉日威回白簡霜栢臺遷鳥茂蘭署得



言系 初唐卷之三十五 四  
人芳禁靜鍾初徹更踈漏漸長曉河低武庫流火  
度文昌寓直恩徽一作光輝重乘秋藻翰揚暗投空欲  
報下調不成章

和庫部李員外秋夜寓直之作

相庭貽慶遠才子拜郎初起草一作儀仙閣焚香  
卧直廬更深河欲斷節勁柳偏踈氣耿凌雲筆心  
搖待漏車叨榮厠儔侶省已慙空虛徒斐陽春和  
難參麗曲餘

酬李丹徒見贈之作

鎮吳稱粵理試劇仰通才近挹人披霧遙聞境震  
雷一朝逢解榻累日共銜盃連轡登山盡浮舟望  
海迴以予慚拙宦期子遇良媒贈曲南鳧斷征途  
北鴈催更憐江上月還入鏡中開

使過襄陽登鳳林寺閣

香閣臨清漢丹梯隱翠微林篁天際密人世谷中  
違苔石銜仙洞蓮舟泊釣磯山雲浮棟起江雨入  
庭飛信美雖南國嚴程限北歸幽尋不可再留步  
惜芳菲



言終  
宋公宅送寧諫議

宋公爰創宅庾氏更誅茅間出人三秀平臨楚四  
郊漢臣來絳節荆牧動金鏡樽溢宜城酒笙裁曲  
沃匏露荷新變節風柳夕鳴梢一散陽臺雨方隨  
越鳥巢

北風對  
送合宮蘇明府頌

鉉府誕英規公才天下知謂乘羔鴈族繼入鳳凰  
池赤縣求人隱青門起路岐翟迴車少別鳧化鳥  
遙馳神哭周南境童歌渭北垂賢哉荀奉倩袞職

佇來儀

送楊六望赴金水

借問梁山道嶽岑幾萬重遙州乃作路一作絕壁

劍爲峰惜別路窮此留歡意不從憂來生白髮時  
晚愛青松勿以西南遠夷歌寢盛容台階有高位  
寧復久臨邛

下桂江龍目灘

停午出灘險輕舟容易前峰攢入雲樹崖噴落江  
泉巨石潛山怪深篁隱洞仙鳥遊谿寂寂猿嘯嶺



娟娟揮袂日凡幾我行途已千暝投蒼梧郡愁枕  
白雲眠

入瀧州江

孤舟泛盈盈江流日縱橫夜雜蛟螭寢晨披瘴癘  
行潭蒸水沫起山熱火雲生猿躩時能嘯鳶飛莫  
敢鳴海窮南徼盡鄉遠北魂驚泣向文身國悲看  
鑿齒氓地偏多有蠱風惡好相鯨余本巖棲客悠  
哉慕玉京厚恩常顧答薄宦不祈成違隱乖求志  
披荒爲近名鏡愁玄髮改心負紫芝榮運啓中興

曆時逢外域清祗應保忠信延促付神明

始安秋日

桂林風景異秋似洛陽春晚霽江天好分明愁殺  
人卷雲山觶觶碎石水磷磷世業事黃老妙年孤  
隱淪歸歟卧滄海何物貴吾身

桂州黃潭舜祠

虞世巡百越相傳堊九疑精靈遊此地祠樹日光  
輝裡祭忽羣望丹青圖二妃神來獸率舞仙去鳳  
還飛日暝山氣落江空潭靄微帝鄉三萬里乘彼



白雲歸

登粵王臺

江上粵王臺登高望幾回南溟天外合北戶日邊  
開地濕煙常起山晴雨半來冬花採盧橘夏果摘  
楊梅跡類虞翻枉人非賈誼才歸心不可見白髮  
重相催

早發始興江口至虛氏村作

候曉踰閩嶠乘春望越臺宿雲鵬際落殘月蚌中  
開薜荔搖青氣枕榔翳碧苔桂香多露裊石響細

泉回抱葉玄猿嘯銜花翡翠來南中雖可悅北思  
日悠哉鬢髮俄成素丹心已作灰何當首歸路行  
剪故園萊

發滕州

朝夕苦遄征孤鴻長自驚泛舟依鴈渚投館聽猿  
鳴石髮緣谿蔓林衣掃一作拂地輕雲峰刻不似苔

蘚一作壁畫難成露裊千花氣泉和萬籟聲攀幽紅

處歇躋險綠中行戀切芝蘭砌悲纏松柏坐丹心  
江北歿白髮嶺南生魑魅天邊國窮愁海上城勞



歌意無限今日爲誰明

遊稱心寺

釋事懷三隱清襟謁四禪江鳴潮未落林曉日初  
懸寶葉交香雨金沙吐細泉望諧舟客趣思發海  
人煙顧櫂仍留馬乘杯久棄船未憂龜負岳且識  
鳥耘田理契都無象心冥不寄筌安期庶可揖天  
地得齊年

遊法華寺

高岫擬耆闍真乘引妙車空中結樓殿意表出雲

霞後果纏三足前因感六牙宴林薰寶樹水溜滴  
金沙寒谷梅猶淺温庭橘未華臺香紅藥亂塔影  
綠篁遮果漸輪王族緣超梵帝家晨行踏忍草夜  
誦得靈花江郡將何匹天都亦未加朝來沿汎所  
應是逐仙槎

夜渡吳松江懷古

宿帆震澤口曉渡松江濱櫂發魚龍氣舟衝鴻鴈  
羣寒潮頓覺滿暗浦稍將分氣出海生日光清湖  
起雲水鄉盡天衛嘆息爲吳君謀士伏劍死至今



悲所聞

謁禹廟

夏王乘四載茲地發金符峻命終不易報功疇敢  
 渝先驅總昌會後至伏靈誅玉帛空天下衣冠照  
 海隅旋聞厭黃屋更道出蒼梧林表祠轉茂山阿  
 井詎枯舟遷龍負壑田變鳥芸蕪舊物森如在天  
 威肅未殊玄夷屈瑤席玉女侍清都奕奕扃闈一作  
 邃軒軒仗衛趨氣青連曙海雲白洗春湖猿嘯  
 有時答一作禽言常自呼靈歆異蒸精至樂匪笙

竿茅殿今文襲梅梁古製無運遙日崇麗業盛答  
 昭蘇伊昔力云盡而今功尚敷揆材非美箭精享  
 愧生芻郡職昧為理邦空寧自誣下車霰已積攝  
 事露行濡人隱冀多祐曷唯霑薄軀

遊禹穴廻出若邪

禹穴今朝到邪溪此路通著書聞太史鍊藥有仙  
 翁鶴往籠猶掛龍飛劍已空石帆搖海上天鏡落  
 湖中水底寒雲白山邊墜葉紅歸舟何慮晚日暮  
 使樵風



靈隱寺

紀事云之問貶黜放還至江南遊靈隱寺夜月極明長廊行吟曰鷺嶺鬱岩堯龍宮鎖寂寥久不能續有老僧點長明燈問曰少年夜久不寐何耶之問曰偶欲題此寺而興思不屬即曰何不云樓觀滄海日門對浙江潮之問愕然訝其適麗遲明更訪之則不復見寺僧有知者曰此駱賓王

鷺嶺鬱岩堯龍宮鎖寂寥樓觀滄海日門對

一作聽

浙江潮桂子月中落天香雲外飄捫蘿登塔遠剡木取泉遙霜薄花更發冰輕葉互凋夙齡尚遐異搜對滌煩囂待入天台路看余度石橋

遊雲門寺

維舟揆靜域作禮事尊經投跡一蕭散為心自杳冥龕依大禹穴樓倚少微星杳嶂圍蘭若迴谿抱竹庭覺花塗砌白甘露洗山青鴈塔騫金地虹橋轉翠屏人天宵現景神鬼晝潛形理勝常虛寂緣空自感靈入禪從鶴繞說法有龍聽劫累終期滅塵躬且未寧搖搖不安寐待月詠巖扃

早發韶州

炎徼行應盡迴瞻鄉路遙珠厓天外郡銅柱海南



標日夜清明少春冬霧雨饒身經大火熱顏入瘡  
江消觸影含沙怒逢人女草搖露濃看莽一作濕  
風颭覺船飄直禦鸚將魅寧論鴟一作與鴟  
虞翻思報國許靖願歸朝綠樹秦京道青雲洛水  
橋故園長在目魂去不須招

早入清遠峽

傳聞峽山好旭日棹前沂雨色搖丹嶂泉聲聒翠  
微雨巖天作帶萬壑樹披衣秋菊迎霜序春藤礙  
日輝翳潭花似織緣嶺竹成圍寂歷環沙浦葱蘢

轉石圻露餘江未熱風落嶂初稀猿飲排虛上禽  
驚掠水飛榜童夷唱合樵女越吟歸良候斯爲美  
邊愁自有違誰言望鄉國流涕失芳菲

發端州初入西江

問我將何去清晨沂越谿翠微懸宿雨丹壑飲晴  
霓樹影梢雲密藤陰覆水低潮回出浦駛洲轉望  
鄉迷人意長懷北江行日向西破顏看鵲喜拭淚  
聽猿啼骨肉初分愛親朋忽解携路遙魂欲斷身  
辱理能齊疇日三山意于茲萬緒睽金陵有仙館



卽事尋丹梯

五言絕句

渡漢江

嶺外音書斷經冬復歷春近鄉情更怯不敢問來人

嵩山夜還

家住

一作

嵩山下好采舊山薇自省遊泉石何曾

不夜歸

湖中別鑒上人

願與道林近在意逍遙篇自有靈佳寺何用沃洲

禪

題鑒上人房二首

落花雙樹積芳草一庭春玩之堪興異何必見幽

人

晚入應真理經行尚未回房中無俗物林下有青

苔

答田徵君

出遊杳何處遲回伊洛間歸寢忽成夢宛在嵩丘

詩已

初唐集卷之五十五

五



山  
傷曹娘二首

鳳飛樓伎絕鸞死鏡臺空獨憐脂粉氣猶著舞衣  
中

河伯憐嬌態馮夷要姝妓寄言遊戲人莫弄黃河  
水

河陽

昔日河陽縣氛氲香氣多曹娘嬌態盡春樹不堪  
過

燕巢軍幕

非關憐翠幕不是厭朱樓故來呈燕領報道欲封  
侯

詠省壁畫鶴

粉壁圖仙鶴昂藏真氣多騫飛竟不去當是戀恩  
波

廣州朱長史坐觀妓

歌舞須連夜神仙莫放歸參差隨暮雨前路濕人  
衣



言終  
不厚卷之三十五  
謁二妃廟

送以金屋貴留茲寶席尊江鳧嘯風雨山鬼泣朝昏

贈嚴侍御

受脤清邊服乘驄歷塞塵當聞漢雪耻羞共虜和親

在荊州重赴嶺南

夢澤三秋日蒼梧一片雲還將羽重入鷓鴣羣

則天皇后挽歌

象物行周禮衣冠集漢都誰憐事虞舜下里泣蒼梧

鄧國太夫人挽歌

鸞死鉛妝歇人亡錦字空悲端若能減渭水亦應窮

楊將軍挽歌

亭寒照苦月隴暗積愁雲今日山門樹何處有將軍



七言絕句

苑中遇雪應制

紫禁仙輿詰旦來  
青祈遙倚望春臺  
不知庭霰今朝落  
疑是林花昨夜開

送司馬道士遊天台

羽客笙歌此地違  
離筵數處白雲飛  
蓬萊闕下長相憶  
桐栢山頭去不歸

登逍遙樓

逍遙樓上望鄉關  
綠水泓澄雲霧間  
北去衡陽二

千里無因鴈足繫

一作書還

奉和春日翫雪應制

北闕彤雲掩曙霞  
東風吹雪舞山家  
瓊章定少千人和  
銀樹長芳六出花

傷曹娘二首

可憐冥漠去何之  
獨立丰茸無見期  
君看水上芙蓉色  
恰似生前歌舞時

前谿妙舞今應盡  
子夜新歌遂不傳  
無復綺羅嬌白日  
直將珠玉閉黃泉



白日直昇和正開黃泉

兩條妙發今熱盡子文流煇後不與珠身尚翠微

不也創列主而煇我部

何物與我夫何之國立半其無其既言成火土葉

初唐第二十五

入味驗林長式六出外

北門沙雲焚澤雲東風吹雪舞山外應聲安少干

初唐第三十六

南明神車風

唐詩紀三十六

初唐第三十六

南明神車風

唐詩紀三十六

鄯郡吳瑄彙編

江都陸弼同校

崔湜

字澄瀾定州人少以文辭知名舉進士累

員外附武三思遷兵部侍郎又附託上官昭

容轉中書侍郎平章事典選失序為李商隱

所劾左轉江州司馬授襄陽刺史韋庶人臨

朝復為中書侍郎同門下三品先天中拜中

書令蕭至忠誅湜流嶺外

五言古詩

塞垣行

詩已

初唐卷之三十五



疾風卷溟海萬里揚砂礫仰望不見天昏昏竟朝  
夕是時軍兩進東拒復西敵蔽山張旗鼓間道潛  
鋒鏑精騎突曉圍奇兵襲暗壁十月邊塞寒四山  
陰積雨雪鴈南飛風塵景西迫昔我事討論未  
嘗怠經籍一朝棄筆硯十年採矛戟豈要黃河誓  
須勒燕然石可嗟牧羊臣海上久爲客

送梁卿王郎中使東蕃弔冊

梁侯上卿秀王子中臺傑贈冊綏九夷旌旃下雙  
闕西堂禮樂送南陌軒車別征路入海雲行舟泝

江月茲邦久欽化歷載歸朝謁皇心諒所嘉寄爾  
宣風烈

餞唐州高使君赴任

芳春桃李時京都一作東物華好爲岳豈不貴所悲

涉遠道遠道不可思宿昔夢見之贈君雙佩刀日

夕視來期一作有

冀北春望

迴首覽燕趙春生兩河間曠然萬里餘際海不見  
山雨歇青林潤煙空綠野閑問鄉何處所目送白



雲還

景雲二年余自門下平章事削階授江州  
員外司馬尋拜襄州刺史春日赴襄陽途

中言志

余本燕趙人秉心愚且直羣籍備所見孤貞每自  
飭狗祿期代耕受任亦量力幸逢休明時朝野兩  
薦推一朝趨金門十載奉瑤墀入掌遷固筆出參  
枚馬詞吏部既三踐中書亦五朞進無負鼎說退  
慙補袞詩常恐嬰悔吝不得少酬私嗷嗷路傍子

納謗紛無已上動明主疑下貽大臣耻毫髮顧無  
累水壺邈自持天道何期平幽冤終見明始佐廬  
陵郡尋牧襄陽城彤幃荷新寵朱黻蒙舊榮力薄  
慚任重恩深知命輕飭徒留前路行子悲且慕猶  
聞長樂鐘尚辨青門樹慈親不忍訣昆弟默相顧  
去去勿重陳川長日云暮

長短句

大漠行

單于犯薊塹驃騎畧蕭邊南山木葉飛下地北海



蓬根亂上天科斗連管太原道魚麗合陣武威川  
三軍遙倚仗萬里相馳逐旌旆悠悠靜瀚源鼙鼓  
喧喧動盧谷窮微出幽陵吁嗟倦寢與馬蹄凍溜  
石胡毳煖生冰雲沙決漭天光閉河塞陰沈海色  
凝崆峒異國誰能託蕭索邊心常不樂近見行人  
畏白龍遙聞公主愁黃鶴陽春半岐路間瑤臺苑  
玉門關百花芳樹紅將歇二月蘭皋綠未還陣雲  
不散魚龍水雨雪猶飛鴻鴈山山嶂連縣不可極  
路遠辛勤夢顏色北堂萱草不寄來東園桃李長

相憶漢將紛紜攻戰盈胡寇蕭條幽朔清韓君拜  
節偏知遠鄭吉驅旌坐見迎火絕煙沈右西極谷  
靜山空左北平但使將軍能百戰不須天子築長  
城

五言律詩

奉和登驪山高頂寓目應制

名山河壯哉玄覽一徘徊御路穿林轉旌門倚石  
開煙霞肘後發河塞掌中來不學蓬壺遠經年猶  
未迴



侍宴長寧公主東莊應制

沁園東郭一作閣外鸞駕一遊盤水榭宜時陟山樓

向晚看席臨天女貴杯接近臣歡聖藻懸宸象微

臣竊仰觀

奉和送金城公主適西蕃應制

懷戎前策備降女舊姻修簫鼓辭家怨旌旆出塞

愁尚孩中念切方遠御慈留一作流顧乏謀臣用仍

勞聖主憂

幸白鹿觀應制一作鄭情詩

御旗探紫籙仙丈闢丹丘捧藥芝童下焚香桂女

留鸞歌無歲月鶴語記春秋臣朔其何幸常陪漢

武遊

幸梨園亭觀打球應制

年光陌上發香輦禁中遊草綠鴛鴦殿花明翡翠

樓寶杯承露酌仙管雜風流今日陪歡豫皇恩不

可酬

折楊柳

二月風光半三邊戍不還年華妾自惜楊柳為君

詩記

初唐卷之三十一

五



言終  
攀落絮縈

一作緣

衫袖垂條拂鬢鬟那堪音信斷流

涕望陽關

邊愁

九月蓬根斷三邊草葉腓風塵馬變色霜雪劍生  
衣客思愁陰晚邊書驛騎歸殷勤鳳樓上還袂及  
春暉

婕妤怨

不分君恩斷新妝視鏡中容華尚春日嬌愛已秋  
風枕席臨牕一作燈曉帷屏一作屏幃向月空年年後庭

樹榮落在深宮

酬杜麟臺春思

春還上林苑花滿洛陽城鴛衾夜凝思龍鏡曉含  
情憶夢殘燈落離魂暗馬驚可憐朝與暮樓上獨

盈盈

紀事云湜執政時年三十八嘗暮出端門下天津馬上賦詩云春還上林苑花滿洛陽城

張說見之歎曰文與位固可致其年不可及也

寄天台司馬先生

聞有三元客祈仙九轉成人間白雲返天上赤龍  
迎尚惜金芝晚仍攀琪樹榮何年緱嶺上一謝洛



陽城

唐都尉山池

曲渚颺輕舟前谿釣晚流  
鴈翻蒲葉起魚撥荇花  
游金子懸湘柚珠房拆  
海榴幽尋惜未已清月半  
西樓

江樓夕望

試陟江樓望悠悠去國情  
楚山霞外斷漢水月中  
平公子留遺邑夫人有舊  
城蒼蒼煙霧裏何處是  
咸京

襄城卽事

子牟懷魏闕元凱滯襄城  
冠蓋仍爲里池臺尚識  
名山光晴後綠江色晚來  
清借問東流水何時到  
玉京

秦州薛都督挽詞

十里絳山幽千年汾水流  
碑傳門客建劍是故人  
留隴樹煙含夕山門月照  
秋古來鐘鼎盛共盡一  
蒿丘

七言律詩

詩紀

初唐卷之三十一

六



奉和春日幸望春宮

澹蕩春光滿曉空  
逍遙御輦入離宮  
山河眺望雲天外  
臺榭參差煙霧中  
庭際花飛錦繡合  
枝間鳥轉一作管絃同  
卽此歡娛齊鎬宴  
唯應率舞一作土

樂薰風

五言排律

奉和幸韋嗣立山莊待宴應制

丞相登前府  
尚書啟舊林  
式閭明主睿  
榮族聖嬪  
心川狹旌門  
抵巖高蔽帳  
臨閑牕憑柳  
暗小徑入

松深雲卷千峯色  
泉和萬籟吟  
蘭迎天女珮  
竹礙侍臣簪  
宸翰三光燭  
朝榮四海欽  
還嗟絕機叟  
白首漢川陰

同李員外春閨

落日啼連夜  
孤燈坐徹明  
捲簾雙燕入  
披幌百花驚  
隴上寒應晚  
閨中織未成  
管絃愁不意一作梳

洗一作妝梳  
懶無情去歲聞西伐  
今年送北征  
容顏離

別盡流恨滿長城

襄陽早秋寄岑侍郎



江城秋氣早旭旦坐南闈落葉驚衰鬢清霜換旅  
衣時來矜早達事往覺前非體道徒推理防身終  
昧微故人金華省肅穆秉天機誰念江漢廣蹉跎  
心事違

贈蘇少府赴任江南余時還京

丈夫不歎別達士自安卑攬泣固無趣銜杯空爾  
爲流雲春窈窕去水暮逶迤行舟忽東泛歸騎亦  
西馳秦地多芳草江潭有桂枝誰言阻遐闊所貴  
在相知

登總持寺閣

宿雨清龍界晨暉滿鳳城昇攀重閣迴憑覽四郊  
明井邑周秦地山河今古情紆餘一水合寥落五  
陵平處處風煙起欣欣草木榮故人不可見冠蓋  
滿東京

早春邊城還歸

大漠羽書飛長城未解圍山川凌玉障旌節下金  
微路向南庭遠書因北鴈稀鄉關搖別思風雪故  
戎衣歲盡仍爲客春還尚未歸明年征騎返歌舞



及芳菲

至桃林塞作

去國未千里離家已再旬丹心恒戀闕白首更辭  
親懷璧常貽訓捐金詎得鄰抱冤非忤物罹謫豈  
由人不濫辭終辨無瑕理竟伸黻還中省舊符與  
外臺新塞上同遷客江潭異逐臣淚垂非屬峴腸  
斷固由秦歲月行道盡山川難重陳始知亭伯去  
還是拙謀身

襄陽作

廟堂初解印郡邸忽腰章按節巡河右鳴騶入漢  
陽城臨南峴出樹繞北津長好學風猶扇誇才俗  
未忘江山距七澤煙雨接三湘蛟浦菱荷淨漁舟  
橘柚香醉中求習氏夢裏憶襄王宅壞仍思鳳碑  
存更憶羊下車慙政美閉閣幸時康多謝征南術  
于今尚不亡

五言絕句

喜入長安

雲日能催曉風光不惜年  
賴逢征客盡歸在落花



前日謝安風光不尚半醜美五容盡體不效以

七言絕句  
奉和幸韋嗣立山莊應制

竹徑桃源本出塵松軒茅棟別驚新御蹕何須林  
下駐山公不是俗中人

鄭愔

字文靖滄州人年十七進士擢第來俊臣羅織文狀皆愔草定張易之兄弟薦為殿

中侍御史易之敗貶宣州司戶既而附武三思謀陷五王累遷吏部侍郎後與王重福構逆被殺

五言古詩

五言古詩

侍宴長寧公主東莊應制

公門襲漢環主第稱秦玉池架祥鱣序一作山吹

鳴鳳曲拂席蘿薜垂迴舟芰荷觸平陽妙舞處日

暮清歌續

采蓮曲

錦紵一作沙棠艦羅帶石榴裙綠潭采荷芰清江

日稍曛魚鳥爭唼喋花葉相芬氲不覺芳洲一作湘州

暮棹一作歌處處聞

夜遊曲



漢室歡娛盛魏國文雅道許史多暮宿應陳從夜  
遊西園讌公子北里召王侯詎似將軍獵空嗟亭  
尉畱

少年行

潁川豪橫客咸陽輕薄兒田竇方貴幸趙李新相  
知軒蓋終朝集笙等此夜吹黃金盈篋筭白日忽  
西馳

五言律詩

中宗降誕日長寧公主滿月侍宴應制

春殿猗蘭美仙階柏樹榮地逢芳節應時覩聖人  
生月滿增祥莢天長發瑞靈南山遙可獻常願奉  
皇明

奉和幸上官昭容院獻詩四首

地軸樓居遠天台闕路賒何如遊帝宅卽此對仙  
家座拂金壺電池搖玉酒霞無勞

一作秦漢隔別

訪武陵花

堯茨姑射近漢苑建章連十五莫知月三千桃紀  
年鸞

一作鶯

歌隨鳳吹鶴舞向鶻弦更覓瓊妃伴來



詩紀  
初唐卷之三十六  
過玉女泉

宮掖賢才重山林高尚難不言辭輦地更有結廬  
歡池棟清溫燠巖窓起沍寒幽亭有仙桂聖主萬  
年看  
桂流天上轉茅宇禁中開河鵠填橋至山熊避檻  
來庭花朵菘蓐巖石步莓苔願奉輿圖泰長開錦  
翰裁

送金城公主適西蕃應制

下嫁戎庭遠和親漢禮優笳聲出虜塞簫曲背秦

樓貴主悲黃鶴征人怨紫騮皇情眷億兆割念俯  
懷柔

奉和幸望春宮送朔方大總管張仁亶

御蹕下都門軍麾出塞垣長楊跨武騎細柳接戎  
軒睿曲風雲動邊威鼓吹喧坐帷將闔外俱是報  
明恩

奉和九月九日登慈恩寺浮圖應制

湧霄開寶塔倒影駐仙輿鴈子乘堂處龍王起藏  
初秋風聖主曲佳氣史官書願獻重陽壽承歡萬



言終  
歲餘風望主曲封康史官書願燻直則書本燻

日斜漳浦望風起鄴臺寒玉座平生晚金樽妓吹

井闌曲風雲通數妓妓之宜坐舞舞國本舞

漢將留邊朔遙遙歲序深誰堪牧馬思正是胡笳

吟曲斷關山月聲悲雨雪陰傳書問一作蘇武陵

也獨何心黃論五人志

折楊柳

青柳映紅顏黃雲蔽紫關忽聞邊使出枝葉為君

攀舞腰愁欲斷春心望不還風花滾成雪羅綺亂

斑斑

秋閨

征客向輪臺幽閨寂不開音書秋鴈斷機杼夜蛩

催虛幌風吹葉閑堦露濕一作苔自憐愁思影常

共搜王作月徘徊

共共作月徘徊

七言律詩

詩記

初唐卷之三十一

百



人日重宴大明宮恩賜綵繡人勝應制

瓊殿含光映早輪玉鸞嚴蹕望初晨池開凍水仙  
宮麗樹發寒花禁苑新佳氣徘徊籠細網殘雲浙  
瀝染輕塵良時荷澤皆迎勝窮谷晞陽猶未春

奉和春日幸望春宮

晨蹕凌高轉翠旌春樓望遠背朱城忽排花上遊  
天苑却坐雲邊看帝京百草香心初冒蝶千林嫩  
葉始藏鶯幸同微一作葵藿傾陽早願比盤根應候

榮

五言排律

奉和幸三會寺應制

寺傳蒼頡造書臺

鳥籀遺新閣龍旂訪古臺造書臣頡往觀跡一作籍

帝羲來睿覽一作法界山川匝宸心宇宙該梵音隨駐

輦天步接乘杯舊苑經寒露殘池問劫灰散花將

捧日俱喜聖慈一作詞開

奉和幸大薦福寺

寺即中宗舊宅

舊邸三乘闢佳辰萬騎留蘭圖奉葉偈芝蓋拂花  
樓國會人王法官還天帝遊紫雲戍寶界白水作



言糸  
禪流鴈塔昌基遠  
鸚林睿藻一作抽欣承大風曲  
竊預小童謳

同韋舍人早朝

瑞闕龍居峻宸庭鳳掖深  
才良寄天綽趨拜侶朝  
簪飛馬看來影喧車識駐音  
重軒輕霧入洞戶落花侵  
聞有題新翰依然想舊林  
同聲慚卞玉謬此托韋金

塞外三首

塞外蕭條望征人  
此路賒邊聲亂朔馬秋色引一作

引胡笳遙嶂侵歸日  
長城帶晚霞斷蓬飛古戍連  
鴈聚寒沙海暗雲無葉  
山春雪作花丈夫期報主  
萬里獨辭家

荒壘三秋夕窮郊萬里平  
海陰疑獨樹日氣下連

營戎旆霜旋一作疑重邊裘  
夜更輕將軍猶轉戰都

尉不成名折柳悲春曲  
吹笳斷夜聲明年漢使返

須築受降城

陽鳥南飛夜陰山北地  
寒漢家征戍客年歲在樓

蘭玉塞紀事朔風起金河  
秋月團邊聲入鼓吹霜



詩紀 初唐卷之三十六  
氣下旌竿海外歸書斷天涯旅鬢殘子卿猶奉使  
恒向節旄看

春怨

春朝物候妍愁婦鏡臺前風吹數蝶亂露洗百花  
鮮試出褰羅幌還來著錦筵曲中愁夜夜樓上別  
年年不及隨蕭史高飛向紫煙

貶降至汝州廣城驛

近郊憑汝海遐服指江干尚憶趨朝貴方知失路  
難曙宮平樂遠秋澤廣城寒岸葦新花白山梨晚

葉丹鄉關千里暮歲序四時闌函塞雲間別旋門  
霧裏看夙年追駮驥暮節仰鵝鸞疲駕勞垂耳騫  
騰詎矯翰將調梅鉉實不正李園冠荆玉終無玷  
隨珠忽已彈曉裝違輦洛夕夢在長安北上頻傷  
阮西征未學潘傾車無共轍同派有殊瀾去去懷  
知己何由報一餐

哭郎著作

詩禮康成學文章賈誼才已年人得夢庚日鳥爲  
災書草藏天閣琴聲入夜臺荒階羅駁蘚虛座網



滿一作浮埃白馬賓徒散青鳥隴隧空憐門下客

一作悲涼

門館下一作悲涼懷舊幾遲迴

初唐第二十六

初唐第二十六



